



竹葉庵文集

序目
詩上

卷一至卷八



竹葉庵文集原序

鹵征集序

同季張瘦銅舍人少與蔣心餘

士銓

編修齊名其所為詩嬾自

攜拾曰南海集者畢秋帆

沅

方伯刻於關中曰鹵征集者今予

刻於金陵凡皆游覽之作所謂以江山助其奇者舍人或數十日不為詩或十數日為一卷詩其沈雄汗漫之什海內詩家足與埒者多不過三五人心餘遺舍人詩曰道人有鄰道不孤友君無異黃友蘇則心折可知已乾隆三十八年十月上元王友亮序

熱河集序

昔嚴夫子有言經有五涉其四州有九游其八猶以軫轍所至不踰白阜之封聽覽所及莫罄黃坤之域未足言登高能賦臨



川感流摛揆柔翰吟詠槁簡云爾亦有落梅驄馬迢遙隴上之
章低艸牛羊敕勒軍中之句饒歌白鼻樂府黃塵過青刳而怨
琵琶弭白檀而思鞞鼓莫不破響風疎聯辭雲委然而悲笳九
月塞艸肖衰橫笛三臺關柳先折羈寄之情長感槩之興短噍
殺之音多藻績之詞少也瘦銅先生負沈宋之才游常楊之職
紫荷奉橐紅藥當階曉趨月屏夕拜青瑣直鸞闈而崑牘對雞
樹而流唱固嘗倚馬七紙握蛇百篇人誦穆如之風在傳蔚爾
之文矣熱河者神爲界局地貳陪京里其道路旣遠百郡之外
奠其邑居仍當五都之勝 國家陋甘泉於瀋氏侈仁壽於隨
季以爲堯皇游豫作宮於成陽周王考卜朝步於豐水每中郢
履節清明告風乃睠北顧此焉清暑時則先生滿歲灌謁往覲
爰閭考旦首涂兼辰戒道房雲在空箕風動衣天日姓晏宙宇

橫腹仰矚 宸居之麗俯察區陬之廓得不揄揚舞詠舐和煙
墨者乎若乃曾巘隱天長波帶地黃靈訪道之山翠媯沈王之
渚先生極覽津委笏綜載牒徵鮑邱之漣流問濡水之舊瀆博
望之槎萬里披析崑源太沖之賦三都參稽方志是則縹囊一
詠卽注桑欽之經墨林五言可備闕駟之記且夫捎雲之斨半
柯自奇衝霜之松寸莖斯見讀是編者其可以闕先生之詩也
巳時乾隆丙申秋九月曲阜孔廣森序

南歸集序

南歸集者張舍人 塤 奉其母櫬還吳作也詩五十六章爲一卷
大都表綴穆行補狀記所不詳者閒嘗讀書至馬班揚雲自序
而歎夫人子孫生一達人不如生一文人之爲愈也蓋達者所
以自致於親在封秩追崇之至闡懿行揚徽烈貽親不朽之令

名則非其才因任焉舍人爲故贈徵仕郎貞孝公子公嘗出爲伯父西亭徵君後徵君舉康熙己未詞科總持吳中風雅舍人守文之綸聞譽藉甚己丑通籍官中書辛卯迎太夫人侍甘旨七季以疾捐館舍舍人居廬五月旣效張憑李觀狀記自爲之矣復請大廷尉王公述庵銘之戴太史東原孔民部荏谷共表之於是太夫人七十餘季微媿舉天下士無不悉其梗槩者暨丁酉秋中紼舟南下關河陵緬露踐霜履一處所一物候一日夕殤飯所爲棖觸其孩提之愛悽愴其愛憇之忱者旣非潑刻大書所能縷悉而櫛挂噎咽不獲盡言又有若默導其言者憑臆施手復得五千三百有二言洄洄乎洄洄乎三曲而俛不啻嬖媿之哭無常聲也禮經所謂人情之實而孝子之終事其庶幾乎獨是舍人編季諸作卷離爲集集各有序此卷特鄭重誣

誘於予者豈予與舍人先後直西清迎親養亦以七季失怙情事之舒慘有適相比備者耶顧予執親器以歸時方罹顛眴之疾比失恃病益增心益瞽亂縷血爲狀後今六載矣精氣漸復故而吾親生平遺緒終未一再表箸於人間也讀是編已悽然攬筆始歎世之爲人子者不可不以文名焉抑已晚矣乾隆戊戌仲秋江寧巖長明

紅欄書屋擬樂府序

文章體裁至詞而極卑然其聲吻乃與三百篇濳魏樂府相近聞者莫不以予言爲誕予旣不好詞亦未暇與辨也同郡張子吟薌於詩古文外兼愛填詞久之而得其神理以謂體裁雖卑而其道甚尊爰卽今調以上括古詩凡兩濳六朝郊廟樂章饒歌鼓吹諸作苟可以就我聲律無不移形換步妙合天然予讀

之終卷服其識之卓辭之工而又與予之所論符契喜曰是可
爲填詞家一洗舊說之謬矣當詞之未興惟詩專行於世而其
用在歌歌有抗墜抑揚故文有長短申縮三百篇多四字爲句
而其中自兩字至八字閒出不拘濫五言詩已爲文人所作不
盡可歌樂府篇章則無不參差其句字自近體興而詩家以五
言七言爲正格長短之句麤施於歌行而古詩遺音乃獨畱於
詞之一派作之者又以體別於詩競奉柳屯田爲正宗斥蘇玉
局爲旁門於是詩與詞不可復合至若聲以韻諧使弟平與平
叶仄與仄叶則是語無輕重聲無高下何以播之詠歌而泯泯
入耳昔顧亭林謂詩皆四聲通用予嘗攷諸兩濫亦無不然而
則今詩之用韻又與古音相戾而詞則平上去三聲並叶入聲
或獨用或分配三聲與唐古俱無以異弟歌學不傳又詩則文

成而聲應詞乃調設而文從以此彌分疆域使律以宗子之法
詞猶爲古詩之弱嫡近體乃古詩之彊支耳世人尊詩而卑詞
以其樹骨也貴柔遣言也尚妍穠麗淫妖大雅不貴是故卑之
弗論今張子以興則之筆寫莊正之音非迂爲舊事翻新炫人
耳目已也其尊詞之故蓋慨然有復古之思矣讀者因張子之
詞而并及予序且得仍以予言爲誕哉吳江弟陸燿書

碧簫詞序

詞學備於宋而浙東鹵尤甚錢唐則張炎仇遠秀州則呂渭老
永嘉則盧祖皋四明則吳文英 國朝謫侍郎倦圃朱檢討竹
垞相與倚聲於長水一時名流從而和之兩越之詞聞於天下
張子商言移家於吳其先越人也工爲詞夫詞之爲道其辭微
其旨遠詩所難於達者假閨房兒女子之言長短其句而以委

曲通之準諸離騷二十五之義往往相合南人之體製不可踰也一定之律呂不可混也宋代以來並推周柳蘇端明辛稼軒以浩氣行之姜白石以清才矯之別開面目風格故高然終非詞之本旨矣商言之詞穠而不膩鮮而不靡巧而不佻曲而不晦其長調亦閒入蘇辛諸公而裴回容與溫麗芊緜終歸周柳其天才使然與抑亦土風所遺也吾吳以詞鳴者尤檢討鹵堂後寥寥無聞商言以多情多才之人發而爲詞擅聲吳中吳之多情多才者復同聲而和他日吳地名家亦繼兩浙而興起也商言其先聲也夫乾隆丙子五日顛於清曠樓長洲友人沈德潛稿士

盜青館悼亡詞自序

七季賢婦無有閒言千日京師遂成永訣所操井臼猶彷彿乎

幽貞每感閨闈恐乖違乎禮義此秦嘉贈婦文不害辭而潘岳悼亡言不盡意者也若至僭端表暴荒謫時形寓目勤拳悽愴過當則諒其達情非思以傳世審時烏候蟲之多變不棄糝糠憐內則女史之無慙或錫琬琰是有望於羣公實永矢夫大德細君姓蔣氏諱明字慧珠予呼之爲樂安君曾祖文涵封戶部山鹵清吏司郎中祖燾署辰州府知府父鳴玉國子監生同里人生雍正乙卯暨乾隆庚辰享春秋二十有六

林屋詞自序

予十二歲詠初寒詞先君便賞之嗣是習爲詞二十季文壇諸君謬推予爲能詞後又習爲詩習爲古文於是絕不作詞然積二十季之久撰碧簫詞五卷沈文愨公序而刻之又撰春水詞二卷榮寶詞十卷盜青館悼亡詞二卷紅欄書屋擬樂府二卷

大槩碧簫少作最不足存咨青履境慘毒詞旨哀傷當非正聲
榮寶其庶幾精華昭灼有噉然難掩者矣今季在關中眼痛經
旬志局雖忙不能纂書乃哀鄉作汰眉十之六七排爲七卷總
顛曰林屋詞以紅欄單行已箸並是擬古之作不削入焉林屋
洞在太湖洞庭鹵山其地男女讓道無盜賊民風淳古它季歸
老擬結廬於斯矣憶予始初唱和迭侶里中有盛雲思曉心鉛
山有蔣心餘士銓曲阜有孔誦孟繼涵皆童季蚤慧詫無難事
盛之拗蓮詞蔣之聽秋詞今日銅孔之斲冰詞皆未成集既皆有
名於世寒暑易邁雲思先歸道山心餘誦孟齊脫朝籍浮湛鄉
里而予亦垂垂其老矣豈不可感也夫乾隆四十三季二月八
日吳張墳記

目錄

卷一 詩一

南海集上

古今體詩五十一首

卷二 詩二

南海集下

古今體詩四十二首

卷三 詩三

鹵征集

古今體詩六十六首 增詩一首

卷四 詩四

熱河集

古今體詩三十二首

熱河後集

古今體詩二十五首

卷五 詩五

鳳皇池上集一

古今體詩六十九首

卷六 詩六

鳳皇池上集二

古今體詩一百四首

卷七 詩七

鳳皇池上集三

古今體詩五十六首

卷八 詩八

鳳皇池上集四

古今體詩六十四首

卷九 詩九

鳳皇池上集五

古今體詩五十四首

卷十 詩十

鳳皇池上集六

古今體詩五十四首

卷十一 詩十一

鳳皇池上集七

古今體詩四十五首

卷十二 詩十二

增詩一首

增詩三首

鳳皇池上集八

古今體詩四十二首

卷十三 詩十三

鳳皇池上集九

古今體詩四十三首

卷十四 詩十四

南歸集

古今體詩五十六首

卷十五 詩十五

渡渭集

古今體詩六十二首

卷十六 詩十六

祕閣集一

古今體詩七十二首

卷十七 詩十七

祕閣集二

古今體詩八十三首

卷十八 詩十八

祕閣集三

古今體詩五十八首 增詩三首

卷十九 詩十九

祕閣集四

古今體詩四十七首

卷二十 詩二十

乞假集上

古今體詩六十九首

卷二十一 詩二十一

乞假集下

古今體詩六十三首

卷二十二 詩二十二

賜研齋集上

古今體詩五十三首

卷二十三 詩二十三

賜研齋集中

古今體詩七十四首

卷二十四 詩二十四

賜研齋集下

古今體詩九十二首

卷二十五 詞一

紅欄書屋擬樂府上

長短令詞八十三首

卷二十六 詞二

紅欄書屋擬樂府下

長短令詞六十首

卷二十七 詞三

林屋詞一

長短令詞七十六首 增詩詞五首

卷二十八 詞四

林屋詞二

長短令詞七十首

卷二十九 詞五

林屋詞三

長短令詞三十首

卷三十 詞六

林屋詞四

長短令詞六十一首

卷三十一 詞七

林屋詞五

長短令詞六十九首

卷三十二 詞八

林屋詞六

長短令詞四十七首

卷三十三 詞九

林屋詞七

長短令詞三十八首

右詩斷自庚寅起

庚寅以肯詩六十四首增卷六卷十亦在存詩之數

乙巳止存一千四

百七十六首詞斷自壬戌起壬辰止存五百三十四

首

乾隆五十一年歲次丙午四月開雕十二月工竣

竹葉庵文集卷一

詩一

吳縣 張埴 商言

南海集上 庚寅

露坐三首

溪橋散市欲黃昏露坐船頭看水痕初八蟾光無半夜暗潮已長艸蟲根

水鳥雙雙宿淺沙漾南漾北盡蘆花夜浚人語松亭底幾稜去聲

湖田已熟瓜

天籟無聲夜景遲葛巾不受野風吹偶移螢火東鹵岸似是星光落水湄

錢唐達常山雜詩十二首

衣錦江山入畫圖風雲鐵弩舫潮枯一從龍氣歸天目陌上花

開半有無

羅隱江東書記才幕中長揖未嫌猜如何殺一吳仁璧麤學當
季黃祖來

布衣也得動星辰一路溪山入富春江上鱸魚誰釣去先生原
是溼朝人

方罨能分石壁開中腰多是白雲堆畫眉踏上山松樹墜落巖
頭樵斧來

仙人采藥此閒聞欲買峯頭一片雲白石細添江水鬻茶鑪收
拾待桐君

爲愛看山趁晚晴碧天如乳露長庚一聲風笛秋江上幾個鷺
鷺臥月明

連邨修竹傍陂陀竹外清風障女蘿不避溪喧開水碓稻花香

裏艸亭多

山船女兒多養豬梳毛亦用玳瑁梳來朝阿父賣豬去翠眉不
畫悲何如

地清人識長官清幾个山樓卽縣城日暮空灘芳艸綠一鑪秋
水鬻江聲

夕陽明滅艸堂偏屋上青山屋下田浴過溪牛沙路靜一枝橘
樹靠秋煙

煙波誰作弄珠游采采芙蓉未晚秋新婦巖岸頻指點落霞紅
觀美人舟

波不藏鱗石見根江離一尺翠能吞天風浩浩吹荒瀨兩岸岸
朝篙齒痕

九姓船

九姓船多美人美人多盡燕支脣脣上燕支江上水似蹴波中
桃片起不看燕支解看人一色錦帆橫十里有客販茶去荊州
相逢舉袂半含羞郎不愛財如糞土親插金釵爲上頭與郎同
宿秋江上沈沈畫燭三絃響十五團團見月華人如月面月如
花常得香痕畱玉臂願將風信滯銀槎人愛行路急妾愛行路
遲長繩繫白日日日奉恩私聞道販茶火伴至寄書說是荊州
使郎有同牢結髮人朝春暮汲劇艱辛嫁箱提上街頭鬻尚負
官錢數百緡夫不歸妻何依妻自瘦夫自肥嫁夫暮嫁販茶客
愁水愁風傷冤鬼雇船募雇九姓船有花有酒遇神仙是神仙
未必真黃者金白者銀結髮同牢情似紙金釵從未上烏雲

金雞嶺

斜下金雞嶺石龕支小廟云祀樟樹神涕唾遠不到小驗事吉

凶大占季豐耗枝葉放十丈風雲靈萬竅兒童亦娛戲夜半亂
呼譟神數其淩溺引罪致清醮邨巫侵曉來燭雞雞不叫紙錢
天上飛酒餅地下倒掀尋致一詞妖鬻人自召王侯祀嶽瀆士
庶祭門竈爾神廁末座猥瑣萬鬼咲桃人芻狗崇興廢各有報
不如拄腰斧拉雜付野燒

玉山縣江樓

清光已到地素娥仍在天思鄉見皓魄一度江樓圓玉山石礪
礪冰溪水濺濺人生無百歲閱歷皆可憐秋蟲小吸露浦鳥時
衝煙誰家明荻火猶有夜歸船

鉛山縣二首

讀書各有得不必求苟同兩存其是處嶽嶽開心曾所謂明辨
之良友不可蒙而何朱陸後門下士洵洵當面畫鴻溝畔道生

蠶叢直以聖賢業塉入恩讎中誰不祖孔孟鄉背恐未公不見
賦湖山書院盈數弓巖岫桃李樹歲歲常芳禮南枝與北枝總
是對東風

吾友蔣心餘籍爲鉛山人十季困翰林妻子無完帑怡然謝簪
笏高尚誰可隣葛洪慣移宅孔奮譴養親所悲故鄉遠貧極難
安身今人教子孫好官無嫌貧官好不能歸何以奉邱墳

松樹灘

下積千季灘上積千季松松老化爲石沈作水底峯水石向地
鬪相撞如洪鐘人言松樹精形體近似龍龍性駛蕩涌波浪無
春冬嗚呼有松亦有灘無松亦有灘請君莫怨松樹惡鑿得灘
平易往還

桃花灘

遠游令人瘦此語悲無涯風高石路滑紆逼舟人譁民船讓官
船船正旗旂斜行行過灘歇野興俾魚蝦長餅貯秋水古岸踏
紅霞紅霞飛上樹何處不桃花

貴溪縣

我入貴溪路畧石見城郭城南開福地秀極饒洞壑張氏道陵
者廬是燒月藥石鼎生微煙松根下元鶴月成人已去海內久
寂寞道假神鬼著功視聖賢薄子孫傳數葉遺蔭得官齋晉階
極一品不自知引卻三季奉朝請道觀濫托腳吾

皇崇黜陟諭令鑄級落無踰三四品抑爾甄薰灼雨暘天地德
德仁壽乾坤橐爾亦何能爲先人之糟粕緬彼五千言青牛入
寥廓

九鳥灘

九鳥灘空連百步黃蘆苦竹紛無數其日天暗無晴雲兩岸小山吐昏霧一鳥頭一鳥尾南北東鹵石齒齒一鳥去一鳥來流波不斷生青苔君不見堯時陽鳥共有十彈落其九存其一一鳥上天無其匹九鳥入地不敢出陡生此灘當路駟至今江上向人鳴伊伊啞啞達五夏泥塗霄溼盡如此鳴啞人閒九鳥聲

彭蠡湖風泊

人事多喧闐入舟稍靜攝行行次鄱陽湖水淺容楫俄焉生長風波瀾怒有挾一風吹三日人命蕩於葉近齧康郎根遠吼浮梁堞魚龍扇顛倒沙土失寧帖嗟哉冒垂堂向此心膽惴溼雨不開窗陰寒欲披氎篷背樹枯竹嚶然風竅接衾枕不遑寐中夜看行篋來朝霽色興霜髮亂盈鑷

滕王閣

滕王閣以文章傳淋漓刻畫高星躔三王一韓相閒作突兀時運使之然子安一序尤爛熟童蒙句讀分月鉛閣中作序譖序事落筆不爲元嬰先元嬰政虐當開國詞人忠厚且諱焉先皇龍種莽蕭瑟妙將隱諷爲終篇馬當風送七百里著居樓上如神仙一手獨持鞠花酒一手健擘桃花箋字有酒痕半欹側珠鐙錯落金鑪燼美人簫管未終奏捧出長卷吟江天王謝子弟有如此下視吳郎那值錢胡爲偃蹇不稱意賦述哀怨心悁悁人旣不能順其性天之所以天其季長沙才子應珍重賦鵬懷湘極可憐

豐城縣

豐城雙古劔寶氣橫天長雷氏賢弟兄掘地相扶將寄言世上人至美無終藏鉛刀不知恥而欲齒步光婦女唾棄之何況奉

尚方

峽江縣

縣城此荒迴旅泊良可哀山虬自南東江聲臨北開野人伐苦竹落日銜曾臺秋風滿石壁天溼清無埃酌酒看鴻雁憐渠同我來

宋文丞相墓

公若不外名不足三季卒成柴市獄在祖不必殺丞相皇天以公結宋局公視外生如脫屣天地無情長已矣孤舟不載趙乾坤香在鑪中哭聲起四望神州灑淚時南來士女半披緇有弟肯持蘇武節無家空擬杜陵詩它日歸葬廬陵路壘石塋門走狐兔玉魚金甌出人閒淒涼別有冬青樹

花石潭

戴土三五石壁立潭鏡曉石氣秋骨青鮮若翡翠鳥平山窻小屋鄉背隨意造土人不種之用切作種者非是花有樹即為好屋後數株楠可入畫家彙

皇恐灘

八卦有坎艮乾坤亦遭苦陰厓墮黃泉千劫那攬取變相羅刹惡得虬跳擲舞水涸露頭面漸次及尻股當其一出在萬人汗被雨我來秋八月放溜沒長艣四周水漢異泛泛良無阻險夷本心造安危感天輔長季拜船頭風正一帆午

縣繩灘

以水為長繩灘如繩上結繩頭繫心坎那經波浪掣四山徧茶樹綠蔭渺娟潔中著種茶人艸屋勉補綴花開子入日詎慮生事拙哀此行旅者天涯走跛蹙險極灘上水耗極心上血作計

臥窮廬瀟灑服清節

五座灘

人言五嶽地上尊指畫郡縣分乾坤五座灘形如五嶽錯落中
央周四角山不成山不可尋沈埋泉窟千季淡奮然出水三五
尺迴舟避之不爲厄爾其奈此行路客

黃金洲

秋艸沒野渡日淡黃金洲水鳥具靜態腳踏煙波浮不知何所
驚又飛十步畱人語尋巖際風力迴沙頭豁然帆輒盡一落空
山樓

涼灘

萬水注一壑汗漫恐不久如何亘古今崢嶸地軸厚涼氣撼齒
灑孤蹤望北斗林迴野霧興厓破暗泉聒吹鐙然客寢今夜宿

涼口

石人壩

蒼蒼涼涼日膠膠矻矻雞披衣帶曙色寸寸皆惡溪一級復一
級船兀升天梯石門開水匱中漱太古泥玉龍破空出搏弄青
俊猊哀愍廷役苦邪許聲高低屯事費摩耗譖計還幽栖道上
石人壽閱盡路東鹵

九腳灘

靠船山下壁纜高人步迢離堆閒道生中流不可入石輒儼置
碁遠近百數十秦漢之殘局到今未收拾吾想雨氣行一蘇江
頭蟄悞作石燕翔格鬪實奇特如何被隕落九腳空駢立不及
魚腹陣風雲護原隰

天柱灘

一山戴六鼈古昔天柱高墻落此卑溼場陷誰能操精悍賽暗
鐵凌亂當秋濤長風吹浩浩白日橫滔滔江水漂不動讓汝結
構牢路紆紆覺短衞屍積數艘不敢當路過彎背行弓弣蒼頭
上岸去市福酬香膠

鼈灘

古人治水者入水爲黃能爾惟多一足放廢成不才屈陷沒泥
滓萬紀良苦哀鼈老性馴熟弗致行旅災樓船日夕下腰殼生
曾臺縮頸不一動受茲人喧逐千篙挂一鼈背瘡長爪來譴守
靈龜息伏地聽春雷

高車壩雨泊

南康之水常多灣南安之水常多灘淹留五日方得達曾膈痞
塞爲減餐朝來鳴鳩上慈竹炎瘴拂拂搖湘紉山頭出雲南風

暴野花倒壓溪中瀾山耶雲耶不可辨天地作去聲一玻璃盤雲
自上天山不去雨已到地雲不完下承大壑上巨壁巖瀑絳在
榕葉端夕陽艣外露峯背酌酒對飲江聲寬大樹小樹吐奇綠
艸亭惜欠朱闌干人屯波濤置不理如此晴雨儘大觀

山邨

絕好山邨薜荔牆煙波漠漠樹蒼蒼稻花香氣通流水牛背光
陰在夕陽十里雲峯如畫障一季秋景倚糟牀此閒合與忘機
客視鋪扶犁上艸堂

大庾縣江樓邑令餽酒

咲似東坡嶺外游黑甜軟飽破除休烏程酒到人吹笛槿樹花
開月上樓沙市遠爭山下兔竹橋平架水中鷗今宵猶是中華
客未在天南地盡頭

大庾嶺

人傳玉門曾送別馬後桃花馬肯雪亦傳庾嶺人去來南枝花
落北枝開不信炎涼分寸地火鼠冰蠶如此異志諧狀誕不盡
然文人好事枕中記我來度嶺八月中旭日厭畏扶桑紅回看
江南若沙漠秋冷可挂天山弓嘻哉燭熱經行此少皞恢矣無
定紀南海珠船譚使風長載火雲蒸岸起我尚倬直 金鑾榮
未歎饑寒心不平何況昔賢遷謫侶寄寓窮荒託外生遠祖文
獻鑿此嶺補造天地令完整子孫孱弱不足言人昇人扶上高
頂

嶺梅

螺磴千曾閱九盤驛中誰爲倚闌干地無冰雪花能冷天近風
雷樹不殘一路帛書山北盡十分香國海南寬劇憐未遇開時

節在瓊姿得飽看

嶺驛皆梅舊榜曰梅花國

觀音巖僧庵

上無一尺地屋極巖洞頭下無一尺地腳踏江水流僧雛頗白
哲嵌作石桺猴風雨不能到乾坤何所求時時佛香清吹出山
縫樓道路近轉溪容試一勺不

滇陽峽

峽行畏中斷大石橫蒼天此石若久塞天地謂無權訇然峯脇
開鬱氣舒雲煙各分一岸山山頭倒壓船野花如紫薇吹隕頗
紅鮮下落數十尺樹罥花絲纏老猿踏枝動飄墮仍如肯漁郎
下舉網花枉魚口邊直視上霄溼崩逕皆奇緣我非雲中君何
以升曾巔

香鑪峽

香鑪高稍殺鼎足樹跼萼螺轉無盡藏屏開儼包絡石泉迸空
走水氣過日脚山擁青芙蓉瀑垂銀落索潺潺不及地中路又
被攫有石十數枚遮要入他壑好峯好四面人見非全粵南北
眼力到東鹵旋失卻讀書但半卷不可謂領略急圖十洲形蚤
申五嶽約

大廟峽

巖壑分陰陽闔闢元氣受大廟莽疏豁諸峯開戶牖江水盈四
貫不在一門走下椒石益銳稍稍遠豐阜恰如長去聲長平聲翻以
傳峽左右傳聞定鼎初此地集戎醜花山鐵山賊龍艇出肯後
一艇二十槳圖陣八風吼滇陽亦有賊會於連州口長技用砂
砲嬉人十必九吁嗟我蒼生荼毒在申酉積寇數十載出沒半
林藪及今際泰康子弟無指喉屯亂皆龍蛇時清但畎畝兵防

慎勿弛連絡若臂手

清遠峽

蠻方鍾綺縠見之山水異二禺峙南北北禺爲角倚南禺秀著
名上著飛來寺瑤臺花木深洞天神鬼祕帝子今渺茫毛女肯
游戲東坡文字禪雲霞燦才思詩與賈耘老封顯峽中寄是時
公初來嗚咽雜怨懟自咲讀書苦兒生帶經比數載公南歸追
餞亦此地黃洞吳復古何崇道李公彌林子中諸人舉屯誰長季筋力道路棄生嗤槿花
榮外眠韭葉萎時來繪麒麟運去老魑魅彷彿昌黎悲撚須存
瀧吏

黃巢磯二首

晚峯歷歷翠橫陳鷄靜催潮月一輪今夜黃巢磯下宿秋鐙榕
樹海南人

羣山萬壑峽門通一路沿洄地輒窮小杜無心詩宛合人歌人
哭水聲中

滇陽下上數百里舟人挽篙淒號如哭鄉夜尤不可聞

竹葉庵文集卷一

竹葉庵文集卷二

詩二

吳縣 張埴 商言

南海集下

庚寅

廣州三首

鷓鴣鳥司南紀蒼茫海國閒虎門當絕徼龍戶界諸蠻氣類無藏
蟄精華不受閑願爲拏斂計衣食到憚鰥

形勝誰推步襟連嶺外州鼇光紅日湧蜃氣白雲流海鬼拖長
屍楓人割半瘡回看北斗遠風土入炎洲

越王歌舞地陟歷望斜岡人倚檳榔艇花開牡蠣牆蚤春晴試
葛午夜昵聞香一帶珠簾影風流未渺茫

光孝寺二首

千古河山兩荒宅肯楊孚與後虞翻外人地界無爭處近在僧

牆野菜根

貫休羅漢訶林在墨寶千季欲擅場頭陀埽地蜜蠶午好趁秋晴曬畫囊

古跡五首

越國高臺風日殊臺南孔翠與明珠作書易報漢皇帝置酒能殤陸大夫鹵北浮雲雙闕在東南積水九州無老佗控制真全力中葉兒暫計總麤

海水東流去不回鹵屠銅柱鬱崔嵬樓船下瀨將軍健蕙苴還朝百姓哀漢薄功臣無重賞天安中國有奇才木棉花發祠堂路蠻女妖嬈奠酒來

半壁東南五十載降王繫組被生擒造洲在說千季藥涂塔虛糜三品金宮使宴游清夜永貴人歌舞落花淡宋師自入彬州

路洗口冤魂海底沈

海邊人指宋行宮輦步荒荒夕照中花落花開畱卍字果路南名

路北長上聲東風菜名孤存趙武三良在島接田橫一哭同太息陳

橋兵變日不能寄託似諸公

二鳳起家皆市井乾坤碧血海門浮風雲奇氣橫軍稍涕淚餘

生入釣舟零落國殤隨汗簡指揮亡命築糟邱酒星縣在勤王

纛此亦酩酊弟一流伍鳳姚鳳皆東莞人皆好酒起兵應文天祥伍善稍敵圍急以銅槃為戲飲酒誌陷敵陣慶戰力盡被縛元將黃世雄欲降之

伍大罵躍起縛盡絕左右趨殺之姚善泗水號水犀頭將軍兵敗得免歸操舟捕魚海上元將張宏範遣使招之姚呼酒大醉哭三日歾今二鳳正史失載子特詠之埭之古跡之末

珠池曲

海上之珠圓似月月易鹵沈珠易没月午周天一度來珠荒入地千季歇采珠常用白艚船珠耙珠網珠刀連說是珠池在合浦瓊州廉州百姓苦一上珠船判渺茫能見妻孥十四五大風

飛揚吹海屋野人嶷嶷喫人肉腳踏鯨魚入島門珠船見之不
敢哭珠船珠船爾奈何上天下地皆風波明珠雖貴人不賤以
寶奪命傷心多君不見武宗珠池設少監東南元氣珠池陷天
遣珠池珠盡外邦國之珍豈在此

花田曲

花田南頭葬美人美人魂魄花肯身昌華苑毀藥洲廢珠襦甲
帳皆灰塵畱得燕支一尺土突兀人間作花圃美人小字號素
馨重臺三臺花樣成日色正紅花正白四五十里花光明花光
在樹不在樹無花之處尤從橫好花不香非好花花田香氣到
人家日日海風吹不散團來香雪淨無瑕舊事誰曾試雙陸宮
中行樂不獨宿無分化爲連理枝有心結就相思木種花老人
多白頭常挑花擔入城樓城中買花人盡少幾度帶花人已老

美人亦是帶花者今日長暝

武延切
別作眠

古芻下

蛋人謠

蛋人苦朝會魚莫會蝦蜆涌鯉塘船作家朝會蝦莫會魚魚皮
蝦殼不可縫衣襦蛋人苦有父母有妻子父母白髮垂耳父母
中坐妻子旁坐烹魚作飯自吹火遠祖不知誰枯槎無歲期天
地命爲人不爲鱗介波濤中間生我將何爲蛋人苦生入水外
登陸掘地裸葬山之麓生受海風海霧糜肌肉外得中華尺土
掩蓋疆似屋蛋人苦不能爲盜與賊不能爲魚與蝦魚蝦不上
網魚蝦之樂樂無涯盜賊獐豸蠻崗大常咲蛋人守窮餓

盧亭謠

李林甫牛秦檜狗後人臆說重其醜豈知盧循子孫爲盧亭其
人變化離人形屍垂一二寸牝牡魚鼈腥見人輒羞怖多遁幽

泉扃循本叛晉賊有玷王父中郎名鳩妻殺子不盡絕或泛海
島逃其生輪迴人畜眼肯見可憐苗裔遭天刑凡爲臣子二心
者蒼蒼在上目視耳能聽君不見伏波馬流居象郡語言衣服
中華近又不見淮陰半姓存韋氏鐵券功成書一紙淮陰不受
崩生欺千禩沈寃鐘室悲彼哉蕭相國殺其身匿其兒如此友
朋亦大奇

雷震一牛篆其腹曰李林甫後身此見說部秦檜墓在杭州郡城鹵北枸莊今人呼曰狗葬

東莞女兒香歌

東莞人家有香戶門後門肯種香樹樹下女兒一搦腰手扶香
樹不勝嬌鑽翦領巾同一束爲愛收香忙碌碌閨中還步送斜
陽新月蛾眉照佛桑寶鴨溫磨銀葉火試香看月當窗坐玉眞
降得夜魂虛心字篆成春寢裏一半封攜入鏡奩紅絲襯合自
顯籤一兩五銖分甲乙清似芝蘭甜似蜜似蘭似蜜難久藏十
可憐香戶最苦辛明歲女兒要嫁人

增城女兒葛歌

增城之葛天下聞女兒出手精無倫卷來兩丈不半握五銖制
造同仙人女兒長成十三四朝織算織無心事女兒長成十六
七一梭兩梭理巾櫛阿妹咲嫌阿姊遲十日何曾完一匹裁郎
衣袴稱體宐踈雲漏月未爲奇春晚紅棉吹作絮已顯卻扇會
佳期郎身如芙蓉不隔衫一重芙蓉畏風信涼氣正當曾郎算
貪涼多錯悞機盡爲郎織麤布

雲封寺謁先文獻公祠

賢相唐中葉多虛枋國功台階纔執政使節又元戎直道存金

鑑孤臣誓赤衷眼甫秋扇感事後太牢崇茲地重墉峻先人建
業隆山鼇隨手斷地肺及時通旅客天雞曉祠堂海日紅珊瑚
迎寶藏孔雀占花叢沃壤郊圻外蠻煙指顧中蒼茫殘衲在遺
像諧褒忠

宿皇恐灘

日暮到皇恐野煙蔽林木舟人不敢下還傷皇恐宿孤枕橫波
濤一鎧棲雁驚宵中殺羣籟大聲翻陵谷嗟哉地一隅承此水
萬斛緩聲如受杵急聲如注鏃忽積千萬聲并作一聲蹙岌岌
散斗杓荒荒窮江麓大瓠極傾側不能一寸蓄成形高與下九
州辨四瀆民物得靜正乾樞領坤軸生盛則爲殺關捩要避躒
境凡反常者皆有外禍伏高人俯虛空下士嬰顛覆見小以喻
大理豈權著卜

始興江口

巖洞清幽百艸肥始興江口鷓鴣飛白雲低到江頭岸船在雲
中雨溼衣

彭蠡看晚鳥歌

九月彭蠡積水枯天空地闊荒菰蒲百里之內大鷗鳥一鳥牽
引八九雛千千萬萬飛入湖毛羽不潔糞自汙小魚半大亡命
逋沙窮水盡卒受俘鳥觜利於金鏃鐸腳踏魚尾以待舖徧掀
土塊低頭顛餘蚘蛄蝨皆何辜破殼出肉市上屠萬命希有一
命蘇其時陰暗日下晡羣鳥思歸接翼呼先有數鳥爲先驅三
點五點星辰孤莽然萬鳥氣概麤摩天欲遮雲濛圖次第勻整
旋轉轡御風聞闔聊嬉娛觀者正愁眼力無誰令一側不可扶
削落百丈將泥塗翻身又上非甯模零碎飛揚八陣徂東鹵南

北趁其途一二在後似病痲某收殘子人難摹仰視蒼蒼理厚
誣鸚鵡孔雀閉在笊網羅弗及大鸞達生此貪婪何爲乎

彭蠡二詠二首

刈艸

刈艸莫傷根根在明年生刈得十畝艸代得一人耕

打魚

竭澤不足貴道必存贏餘人多網愈闊季來無大魚

江畔芙蓉

江畔芙蓉麗錦霞開來荒瘠野人家老翁背立水東岸無米如
何能看花

水碓

高下游一坎導揚開門戶人事重遏防地勢益軒舞我行章貢

閒漫受水碓苦豪家負麤石植立逼江汧塹水三四里水口安
碓柱龜坼風中輪鴉翻地底弩對岸踵成之繚曲如環堵中流
聲暴吼大震雷門鼓水又越塹出歛欲縛怒虎船石作摩戛劣
崩寡尺土船破石常在季季病商賈吾聞天地巧人不可盡取
圖逸則生淫服勞乃避侮市廛失業者賃春寄於廡稍稍博錢
刀衣會詎燕補胡爲貪穢疾毒人比中蠱作詩告守令莫伴習
龔瞽火以咸陽威椎之力士武石崇罷此產魏舒卻其雇畱巧
還天地滔滔安終古有力足自給毋使樹怨府

嚴先生祠堂

爲官當爲執金吾先生不拜諫議稱大夫娶妻當如陰麗華先
生得一梅福之女亦可誇金吾未爲爲天子麗華立后郭后外
光武先生雖故人方鑿圓柄難與同終始不如歸老富春山萬

古清風獨往還釣臺不高儼磐石雲臺諸將無力能躋攀古無
天子同臥者唐有李泌差似也轅門白袍被官職病中卒歟李
輔國先生落落青雲高劫火神仙不受燒今夕客星入盡識誰
將別庶祀牛牢李輔國視泌疾輔國體肥重壓泌泌氣閉遂絕此見鄴侯外傳與正史異

錢唐江大風

錢唐江上看明月明月吞吐鹵湖口山開晴景失煙霧水汜流
光裏星斗踏歌高興小海唱此月此江何處有乾坤怪變只須
與禍伏青蘋土囊後我纔舉頭驗風起風之勢緊月亦抖黑雲
先見四五堆傷門外門八陣守彌天麟躡蚩尤翻動地谿呀飛
廉吼羊角轟轟利於刀鬼頭團團大如白桂宮仙子閉瓊戶不
鄉風雲置可不我船下櫂不下碇船背恩膠淤泥厚定水神鐵
顧渺茫渡河大瓠肯擔負宵中歎息比垂堂風定烏鴉滿江走

烏鴉船名賊船也

烏鴉船

江上烏鴉船其船皆賊耳有觸手不搖腳踏銳無比船長八九
尺艙門絕狠鄙火伴一二輩痠瘠如乾肺客多不敢載客孤揆
行李居恒無幫行散泊向江涘不爲待渡者專心遲風水錢唐
逼海門月黑波浪起漂溺執皇急黃泉隣尺咫此船候時出獍
獍羣惡鬼干呼一不應狼狽作奸宄臨風一嘯集亂篙擲覆指
眞成踏浪兒乃操殺人技箱篋溼淋漓儘攫入船裏不祝生人
生重視生人歎吁嗟具人性豺虎毒至此此船杭州多繇巨桐
廬止黃馘千數人長路二百里駢首戮怪慘立法謀慎始烙之
以火印編之以船市領之以小甲江岸行旅使某船載某估朔
聖結投匭馴其劫掠心得其飽煖理太平厚風俗權在守令矣

鹵湖

青驄油壁昔人游桂子荷花兩岸愁江曲不添南渡淚山高遮
得北盟羞上皇壽酒無多日宰相寒蟲響暮秋看到簽名書謝
氏偏安原爲子孫憂

岳鄂王墓二首

漢家誰是中興才半壁江山絕可哀父老爭傳三字酷君王不
喜兩宮回中原將校同星散沙漠金繒似土堆此恨緜緜今古
極墓門碧血碧於苔

山色湖光涕淚中當時艸艸殺元戎武臣身死文臣咲南鄉枝
榮北鄉空藥不能嘗許屯子國何曾復晉文公居然高廟神堯
據此事難欺三尺童

于忠肅公墓

鷓鴣江上趁秋晴墳艸芊芊霜裏榮卻敵屯知崇國體易儲公
豈背人情一時綦局分新舊半夜天文悟死生值得橫屍鹵市
口可憐恩怨與誰爭

林處士墓

湖上風光憶蚤春暗香疎影句通神已埋白骨到今日自有梅
花只此人訓姪文章成進士諱時封禪是遺民買田買宅孤山
下欲與先生更買隣

丁仙閣

黃冠艸履有神仙絕壁巖峩寄此椽夫婦比肩同入道江山如
畫好譚元重尋城郭寒灰外別露樓臺夕照邊人屯歡娛原一
曠可能多著蔡經鞭

小有天園家人卦石刻

此地啟闢誰主人太平湖上多遺民移家雞犬避俗事繙書筆
札供良辰摩娑嶺頭一片石升降上下猿猱頻大書深刻二百
字無數古訓敦彝倫長舌凌厲昔有戒黑心顛倒今難馴聖人
作卦象風火火未吐燄風生輪婦德不終女禍烈家庭一煽成
灰塵摩崖榜眎千百禩似隸非隸追周秦君實歎顛不足信晉
唐魄力尊天神園中仕女踏春去可憐玉面燕支脣花圃藥闌
開翠幄鐙球月舫飄紅巾不如索靖三日讀夫夫婦婦偕書紳

玉泉觀魚

方池橫半畝修鱗藏百个水活比湏乳地小若轉磨游人春夏
多餌之賽奇貨一日二日飽十日五日餓幸逃網罟密肯羨江
湖大不見海上鼇天風吹鬣破

雷峯塔

陶者以火成成輒必受灸不聞輒既成燒之不開坼一枚聯二
三枚積萬千百成此一大陶劫火帶古赤魯班失鏟削胡寬眉
涂澤渾沌閱今古有闔而無闕春夏野樹長倒挂長數尺當有
鳥雀銜生理畱閒隙以土造其胚以火定其魄以金銳其形以
水升其液海上野樹枝以木疎其脈一壽獨鞏固五行相搏擻
小儒不解事錯比神仙迹神仙縱能構皮骨久枯腊
淨慈寺山門石鼎識曰至治二年八月廿九日成
荷花桂子屯昇平一任香煙寶鼎清指畫寒灰殘劫在銅人石
馬訂長生

花神廟

紅紫芳菲十二辰湖山風月爲傳神李郎眷屬全家在可有殘
碑墮淚人

晚入錢唐門二首

江岸昏煙上麗譙萬家燈火送良宵錢唐鼓角今何似子子孫
孫半寂寥

海寧傳說賽公塘

塘在海寧傳是錢鏐子婦所築

何似江頭鐵弩疆浪滾波掀俱未

了沿街和尚唱還鄉

龍井茶

今日金沙江上望芙蓉萬朵頰秋霜分攜龍井不多器此是山
僧為我藏

自題南海集後

過夏何能食荔支卷中惆悵未顛之水程第一關風俗九姓烏
鴉兩首詩

竹葉庵文集卷二

竹葉庵文集卷三

詩三

吳縣 張埧 商言

鹵征集

壬辰

樓桑邨

樓桑復樓桑童童五丈長桑下大耳兒織席招風涼此桑為汝
生略同蕭氏疆一領豫州牧再拜漢中王卷圖定鹵蜀顧盼增
榮光趙雲曾有言田宅毋求良當須天下定各反桑梓鄉如何
不伐魏伐吳以自戕人生若艸木衰落詎可量不如司馬徽采
葉上樹忙哀哉八百株無命生南陽

督亢陂

燕丹宴荆軻置酒華陽臺殺一彈琴妓玉手金盤堆貢秦督亢
圖郡縣為秦媒圖窮見匕首甲士驚喧虓遇一彈琴妓舞腹春

風開彈成羅縠曲英雄化灰即此言果報疾應如轟雷今過
督亢陂燕秦安在哉丈夫任意氣要領伏禍胎金彈與馬肝羈
縻良可哀眼肖好女子漏月真奇才

泉脈

南來已有水田租泉脈甘香竹火鑪一路石梁流不斷白花開
徧野茨菇

曉發定州

廿載勞薪慣多悲道路勤秋蟲喧子夜宿霧化朝雲艸木叢臺
近川原澗水分客星憔悴極鄉社憶榆粉

雪浪石

宋時薦紳愛石供盆几款列山玲瓏一卷孤分上黨執孳結太
始無春冬當季載酒招丞倅一詩一石因蘇公公頻游賞不曠

職首議軍政驚兒童社飯數傳時運改三鎮割裂如飛蓬此石
亦陷北敵中偃蹇骨立居牆東礪角邨牛撥不動連天兵火燒
難紅先生玉局若遊戲人民城郭追遺蹤吾與石丈相往復那
知屯兆良嶽凶賓客無心白雲度滄桑到眼青苔封後人韓陵
差可匹太平諸老思元豐

題趙州和尚像

執術好自衒盜名豈能久達摩肇初祖文字獨噤口嗣分頓漸
宗繆爭龍象吼講師盛威儀戒壇競奔走語錄一家言掌書記
曰某未見花雨奇多冒矢楸醜趙州古尊者喫茶無可否津梁
行腳疲活火竹爐有佛至小低頭客來略拱手屯外養木雞塵
中謝芻狗只此足傳鐙桑門爲不朽它季謝城市誰結東林友

豫讓橋

昔賢論豫讓衰貶有次第後則爲英雄先則如狗彘我今特比
較狗彘非其例良臣必擇主相期道共濟去就本綽綽恩讎心
無繫若目爲英雄詎可以訓垂自命儼國士殺身猶僂嬖一意
願綢繆兩心設盟誓不歿乃不休性命戕根蒂古來成事者出
手僂精銳涂炭雜吞炭魂魄墟墓綴眞成私室怨不爭浩然氣
橋柱故巍巍煩冤高蒙翳孤劍哭聲長野花血痕麗殉義惜一
人青莽與同歎

襄子至橋馬驚使御者青莽覘之則故人豫讓也青莽曰傷友不仁背
主不義獨橋柱外惜哉青莽之名不多見焉

邯鄲呂仙祠

上欲窮九天下欲窮九原尻輪及神馬寢甄何飛翻庶眾本蚩
蚩憎寂而趨喧穢矢積金窖棺嬰高朱軒白日不富貴往往期
黃昏是眞爲賤士莫以招游魂神仙淡世故鍊氣心渾渾胡然
工刻畫一一揆塵樊我想可到者無不先我存鹿隍紀甲子鼠

穴通乾坤盧生受所弄伏枕忘朝飧言尋六寢掌占之夫何言

羨里操

過文王羨里而作

升彼崇臺以望天門天門高高虎豹司闔先人作室皇過之涯
小子不造顛覆實悲假靈祖考以永俟服皇天與予豈有私福
曰發能武曰旦能文兒哀爾父兒奉爾君

湯陰岳鄂王廟

南渡有君臣北還無父子大將繫請室不應艸艸歿生能將萬
人歿只緣片紙功名委朝露涕淚漬野史隗順與施全胥蠻今
從祀

比干墓

異代褒忠禮數殊伏門慘歿古時無直因血脈同先祖眞以心
肝奉獨夫殷水到頭天欲竭沙邱行樂歲將徂三仁難易憑人

作去聲宋與朝鮮有一隅

唐太宗封比干爲太師諡忠烈故曰異代衷忠也

汴梁詠古三首

曳杖江山看夕曛英雄豎子此閒分
座眞無用三千客樵必須持四十斤地
接菽倉同鬪武人來雪苑獨能文
長蛇東走餘清汴萬古恩讎付不聞

晉汴干戈戰血腥百季大盜不曾停
有兒誰及李亞子赤族空呼朱五經
屯亂神州爭敗局時危烽火暗繁星
高人幾個王官谷冷眼中條似畫屏

弟兄趙宋掌宗祧金匱盟言不久要
此媪黏塗傳受事老臣固結聖明朝
不因花萼疑光義可惜瓜田殺德昭
一度興亡成感喟政和天子極消搖

十六日次圃田

浦岸浦後水平坡潭水眞如圓鏡多
郡縣職方凡數改圃田經注獨無訛
殘鐘臥地山花咲白石橫橋沙雁過
今夜月明秋色好爲挑鐙穗鍊詩魔

鞏縣杜工部祠堂二首

公具孤忠苦論交特未精故人多將相
若个樹功名敗亦憐房瑄危幾似禰衡
巫咸叫閭闔秋艸沒祠楹

妻孥常自累老至未還鄉羣盜如豺虎
孤邨哭鳳皇朝廷空稷契風雅報虞唐
生理猶嫌拙無人築艸堂

王弼墓二首

王弼擅經訓蜚聲最少季陛下若愛老
此子必不傳人生復百歲詫比金石堅
初見頭毛白再少牙齒全造化諦視之
亦猶嬰孩焉君子疾沒世修短隨鈞甄
童錡而不殤所以追麟編如爲

瓜寧男迭外殊可憐

陸遜拒漢賊毒殺關侯羽天道乃好還後人不諳武亦以用兵
外文采膏鑽斧機雲入洛季翩翩羨簪組謀社鬼為羣兄弟並
黃土譚經本糟粕曷德在祖父

虎牢關

皇天高冥冥水土作門闌其上飛鷗鵬其下走龜鼈噫吁故虎
牢千仞積泥屑障此黃河口獨岸不摩滅汜水戰場開旌旗貫
虹蜺楚漢兩提戈得位僂人傑關嶺劇受衝踐踏古凹凸白骨
多如麻青燐蕩於血那有古老人為我細細說

白馬寺

古寺荒塞似墓門銅駝朱雀共銷魂暗中摸得顛碑字此是南
朝劫火痕

有至順四季九月十五日碑

昨夜游白馬寺今日又戲顛一絕句

白馬馱經龍象分伽藍顛號最紛紛若推懷義開山祖應有金
輪舊繡裙

北邙山歌

北邙山高千尺下有有名之卿相上有無主之松栢誰家會葬
洛陽城羽葆旌旗好顏色奉敕書碑立不完邨牛馱到斜陽笛
我悲陳外人亦悲未外客今日送罌執紼行明朝亦著黃泉屐
妻子季季上菊來桃花李花春風陌陌上春風幾度過逢人一
唱薤露歌恩恩新婦又阿婆可憐白骨乾坤多軒天蓋地眞豪
傑棺嬰纏身可奈何

狄梁公祠

花無桃李賸空祠終始存唐此老奇豈為淫威褻奴屈不教心

事女嬃知功名無負婁師德社稷終還張東之那道中興又昏
德濯龍門下立多時

夾馬營

天授真人信有之星文夜半異香奇典兵已是傳家久禪詔何
曾啟國遲一日黃袍吞幼主百季紅燭悞孤兒循環理數分明
見咲倒神仙策蹇時

次新安縣

縣城孤迥作重關天許青山四面看红柿人家沙路淨白楊風
色澗聲寒馬留破驛莫成束人上荒臺月半丸一宿恩恩便將
去料無遺累到豬肝

扶病避雨稠桑驛感懷蔣孺人

雨雨風風太放顛難呼妙子十三季今朝病臥稠桑驛一穗銜

花結寢緣

潼關有狼行二解

潼關有狼狼猛不可當奪人手中兒爲狼口中糧吁嗟乎狼亦
有兒何不仁以自強

潼關有狼獵人弓箭如狼長三狼五狼跳入牆獵人斃臥糞竈
旁明朝鞭朴喧公堂

紀信祠

一割鴻溝偃息戈將軍祠宇鬱巍峩帝王生外從人借將相功
名爲汝多此日刀礮非酷烈它季菹醢枉消摩白駒過隙誰長
久莫似燒身赴火蛾

郭汾陽故里

鹵華高高橫太空汾陽特起布衣中江山一手還眞主福命千

季讓令公處置華夷皆妥帖指揮奴隸盡英雄聖賢事業伊周
佐衛霍如何敢論功

新豐

故鄉幾個錦衣行垂老思歸卜築成時至能爲天下養運危拌
作一柘羹百家雞犬英雄宅萬歲枌榆故舊情置酒高歌聊送
日無將富貴負平生

灞橋二首

灞水滔滔未寂寥當時祖餞綠楊橋銷魂銷到無魂處請賦人
閒大小招
跪地垂楊破水痕季來劫火亦燒根不多老輩桓溫樹綠到江
南盡耳孫

和閨秀畢汾寒食弔鸚鵡翁詩

仙家羽化玉棺存贏得詩人到墓門三月白楊畱小碣一匳紅
豆奠芳魂有生浩浩歸情劫終古茫茫付淚痕女伴踏青聞太
息落花堆裏共黃昏

諸竺莊秀才退學齋授詩圖二首

老輩傳經篋自攜巾箱多入畫中題書郎吟韻清於玉長短鐙
檠半夜雞

疑似河東爲補匱羽陵小劫付滄桑屋梁壁柱求遺稟淒絕兒
時舊講堂

竺莊撰詩經釋地四卷皆本其先人指授

周生柳陰春射圖二首

習射春郊放眼明一季艸長樹唳鸞楊花似雪皮球響正是東
風著箭聲

頗有傳家劔履存艸堂拂拭舊巢痕甘蠅飛衛尋常技閒讀陰

符是將門

三原令崔君漫亭

龍見

及其室錢浣青

孟鈿

夫人並工

詩詞頃夫人爲匹婦樂安君顯采芝養鶴圖遺照詞極

清婉可誦漫亭又以雙縑寄贈作詩報謝三首

詠絮銘椒及令辰微雲夫婿鎮相親花光滿縣高千丈照見乾

坤雙璧人

紙閣蘆簾老孟光一歸泉土路茫茫白頭未了青山約又彌新

詞引恨長

今古人才幾韞材一縑一字用心裁輸君夫婦同功繭織出天

吳紫鳳來

唐石經歌

漢室有五經蔡邕乃是書碑人鴻都諸士務雜學樂松江覽誰

超羣唐室有九經鄭覃乃是勸字人輔之張參唐元度各撰字

樣建諸太學門六書麤麤具結構偏旁點畫斐鮮新中郎古文

而今不可覩桓靈失德大盜移乾坤一經立一經倒易如轉磨

如翻盆吾爲細訪伽藍記中碑十八絕不知其上之天下之淵

或燒爲炭吹爲塵獨遺開成石壁在李花照耀千千春波磔縱

亞歐褚輩下視勒排描畫之迹不足呵兒孫用得成芻筆萬鈿

墨筆精墨妙光華有晝而無昏龍威丈人操扁鐻娜嬛福地連

城闐堅閱甲子永不泐大雅好事掇剔扶荆榛一一典籍荷古

聖賢訓父父而子子君君而臣臣讀其書者政刑禮樂無煩言

如何積牛李黨甘露變一時國事偏紛紜堯舜禹湯文武孔子

之道皆治法面牆可見小儒蟣蝨不暇以手捫書家義獻號鼻

祖彼哉碑版有其字非其文那能萬古供書紳吁嗟乎那能萬

古供書紳

長安陸尉

象拱

載酒同游城南薦福興蕭慈恩三寺尋

樂游園故址望漢文帝宣帝諸陵五首

關中累建都代謝一何急地上吹秦灰天下移漢臘三山誤帝
王八水蕩墟邑宮殿幾時多一僧補敗衲祖宗皆英雄風雲起
呼吸子孫偶孱弱失墜到僕妾贏得憑弔人出門攜酒榼細柳
與新蒲那有古時葉

言訪白足游午鐘動古寺升梯驗舊款款曰明昌置

薦福寺鐵鐘識曰金明昌壬子

二月一日造唐碑不可尋碑帽大德字

有碑帽頭曰大唐三階大德禪師碑

月季一丈花雜沓

獻幽媚巖桂倚敗垣枯瘠少生意得甄為人憐失甄為人棄寄

謝世上人不必鬪才智

秋風曲江曲雁塔高慈恩唐人杏花宴題詩於此存焚香禮進

士幾個好狀元不及杜布衣五字千秋尊我上三四桃腳跨

精魂龍象負空臺燕雀倒下翻輪般開戶牖一簣升牆根所悲

塔下泥沈滅埋朝昏結構閱今古人壽痛難言

公主山池賦樂游舊可憐君王南山壽來往千萬季

二句本宋秦之問賦

簫不可再騎鳳化彩煙樓臺散賓客帷帳空嬋娟一洗土木妖

漠漠禾黍連只有山頭月長照脂粉田

生肯掌萬乘外後樹孤壠不知幾萬人高高以土捧文宣漢賢

主野鬼共朝拱真成龍鳳姿同匿山頭孔赤眉黃巢禍處處發

陵芻野火燒宮闕白日出金永枯骨亂麻輕寶貨不貲重跂緇

楊王孫裸葬得無恐

瀟水

靜對石梁坐閒吟義鵲詩野樵歸路迴沿地墮松枝

終南山

終南古捷徑誰有舊田廬
笑煞陶宏景山中奉詔書

指種放也

綠澄軒聽王山人彈琴二首

平生欲洗箏琶耳
玉軫金徽取次彈
落落七絃行大蠶
滿堂鐙燭夜光寒

雙琴劫火燒難盡

一松雪翁琴一誠意伯琴

蛇腹牛毛辨斷文
收拾卅季瑣碎

事欲將腸肺付桐君

題五家詩後三首

五家者鎮洋畢沅江寧嚴長明崑山諸世器徐德諒及子也

尚書

沈歸愚先生

總憲

金檜門先生

並山邱風雅江南失舊游
畱得鐙前三五

子誤人好句白人頭

同時蔣士趙翼

亦詩豪格律非偷各自高
近日與誰吟石鼎蒼

蠅小竅最悲號

周情孔思眼中無農部

孔繼涵

風流博雅儒添个王郎

友亮詩筆健

何季風雨約蓴鱸

驪山詠古二首

秦始皇墓

征誅揖讓古無同
法術刑名咲此公
三代變來為郡縣
六經燒盡出英雄
李斯空與沙邱事
徐市全無海上功
那得芻閒機弩
在人魚油渴長蒿蓬

華清宮故址

避暑華清不蚤朝
風爐繡嶺碧迢迢
阿姨脂粉開宮鏡
丞相旌旗貫斗杓
得賜金錢陪夜宴
且吹玉笛度山腰
姚崇宋璟難重
見諫疏分明最寂寥

飲溫泉上三首

壽邸驚傳絕世姿承恩阿鴈記當時百季禍水流難盡剝到官
中看洗兒

繡嶺季季長古松松釵石鏡伴淙淙不成波浪溝頭急滿地霜
菘野齏濃

多勞地主啟長筵紅燭瓊瑜著酒顛行到沿山亭子上銀蟾如
照玉環暝

謁嶽廟升萬壽閣望嶽

萬物鑄形賦巨細長養負荷皇天慈生殺嬗運無舛迕素金掌
令備四時芳華絢茂入拏歛以葆精魄堅毛皮圭裳寵錫奠鹵
極帝曰汝嶽鎮於斯朱門月陞洞百尺靈宮趨禿高祠基牲璧
祭告百王法車輦宿衛三公儀壁柱青碧畫鬼獸栢玦風雨翻
神帷古人失業病孤憤噴喝土木歟靈祇那見王佐寄畎畝欲

煩神鬼相扶持修德爲蕭強積累富貴在天非我欺譬之神之
位封內聰明正直祛偏私興雲出雨不奉職亦必崩陷遭顛墜
載升傑閣瞰霄溼嶽容紫秀非常姿玉女洗頭髻隱隱明星吐
燄光離離下土庶民翳矇瞽技眼難貫山之屨安得仙人九節
杖扶我絕頂爲娛戲蓮花蓮實飽咀噉折枝蓮葉當空騎

秦王挂甲樹

劫火燒殘半外生李花家世舊崢嶸奇於季少軒天地待得功
高壓弟兄苔蘚暗沈金瑣色風雲常繞鼓鼙聲昭陵六馬多零
亂草歎枯枝畫不成

謁濟瀆廟

四瀆坤輿厚神功重伏流地連王屋險波接孟門秋日月中
影魚龍殿下溝發源爲沈水列祀祖圖丘萬禩圖經在中原拱

衛周朱門森陸城粉壁畫旗旂鱗族羣趨拜天人秀冕旒氣將
升絕壑冷益逼靈湫云有傳書者曾來破石不貨郎李繼安有玉皇授書令破石救濟瀆神行事昔賢傳幣舫古祭卜沈浮一一精誠感昭昭鬼物幽山川
隆佐命雲霧迅遐陬下土滋阡陌皇天富九疇多逢清宴在秩
禮媼諸侯

臨洛關

槲葉辭枝見驛樓百家煙火女牆頭小山亦壯中原執野水真
成萬古流羈旅斷蓬如宿雁太平吹笛遇耕牛便當取酒叢臺
下一醉高歌擬卽休

重過圓津庵十五季甫與金檜門先生同游賦詩於此
題詩重拂剡溪藤載酒清游向日曾野火不燒紅葉寺殘棊相
對白頭僧人閒甲子飄如絮垂上功名薄若冰淚滿山阿成獨

往仲先猶裏舊行滕

魚鰓戲作

江鄉我是老漁師
芑刺旋教齒豁知
消遣人生緣細事
此中一半孟郊詩

坳王友亮詩題南海鹵征二集後

胷蟠太華雲筆卷南溟
水高才本天授江山助
迭爾君顧性好之登涉窮
萬里峯頭菡萏青海窟
珊瑚紫挽緮不得上拽
網不能起如何君一過
齊來奔腕底我疑君所
操非復管城子熊熊驅
山鐸繹繹射潮矢千季
鷺鷥生七日混沌外計
詩積三卷一一臚眾美
我非解詩者亦歎觀止
矣殷勤乞借鈔定費洛
陽紙

竹葉庵文集卷三

竹葉庵文集卷四

詩四

吳縣

張埴

商言

熱河集

丙申

晚次牛關山

雨腳不敢下虹頭不敢上晴雨莽相戰昏黃隱西嶂禾黍高穰
穰沙石伏漾漾積水一尺淡夜氣似幽壙人馬雜盲瞎道路誰
倚仗鎧光露巖屋吾身纔有傍比之牛在關勞者發高唱

曉渡白河

鄒衍居河東吹律能生春從此河之水能助萬畝民我來曉星
沒初日出河濬光輝動空碧滉瀆如金銀瀨清竈鼉避波正鳧
鴨馴中流萬象開浩浩鏡秋旻如何一竇洩不可千載壘明德
古有報四瀆所以尊

密雲縣

密雲此重邊宥朝設總督幕府牆子嶺弓刀小水谷

聖人起長白中外朝拱服四夷皆來王一鎮非大局縣城劇孤
迴雞犬界巖麓遠山一重青近山一重綠朝見潮河盈暮見白
河縮桑海誰復知太平謀餽鬻

小水谷縣志作南水谷北水谷谷或作峪

潮河

潮河與白河水經無其名乃是鮑邱水密雲戍所經通州逆流
上轉漕昔必爭兩河夾一縣不齧庠奚城浮橋連大磧秋樹多
邊聲女牆看洪濤飲馬驪驪鳴

石嶺子

幽徑隨意取山屋無正態古戍吹螺殼大荒滑龜背多泉不貴
井荒陂尚有菜想來斷盜賊戚友數家內風林土竇啟雲衣水

口對勗哉眷汝儉瘠土古人愛

穆家峪

鬱鬱無名樹蒼蒼太古壁山房包堂隍石樓安階城初見一屋
雲已有數雨滴天哀行旅滯青冥橫斷霓此峪何人居斬茅建
瓴甌聚族以姓傳乃同湯沐錫當季范大夫功成不爲的名字
埋川原田土富鼎鬲一子愛黃金一子外仇敵丕承在德難哲
嗣算啟迪

芹菜嶺

蚤發芹菜嶺炊煙到天直初以爲雲耶野屋突如墨山曠無一
風心廓游八極嶺頭俯下界兩肘閒生翼露菴施重網石鼠跳
叢棘鼯毒百蟲害鼠貪田禾會爾輩圖生長皆爲天下賊陽陂
樹犖礪陰厓鬪劣崩我將采青芹浩歌翠微側

白河澗

大石塞我角一峯衰一峯諸峯四圍積磊落天地雄嗟哉眼力
小莫鬪青濛濛石脇破風雨泉竇開春冬有一太古澗白雲常
季封天馘刺空下墮塌追無蹤窈裊復騰上垂玃如老翁光陰
輕跳擲川嶽無始終鄙人若一蝨豈不心忡忡

新開嶺

洄洄嶺下水礚礚嶺上石山椒向南東關門臨北闢絕壁古車
廂斷厓老沙磧伐木取近材楛梁仿列柵官符朝復算人家一
傳百持錘嚙盤盤趁虛秋撼撼民自用手足國不費縑帛我如
爲寓公黽勉謹執役

南天門

山執一再束升茲南天門連鼇鼉斗極神獸司旗旛落落大禹
迹高高神京藩牛馬負重上汗注尻及臀骨濁氣不鍊人恥鵬
與鷗山北徑削落渾流當我渾逆濤濺沸礮水怪坐石根厥派
蕩濡水直鄉關內奔破厓鏟一綫萬禩爭飛翻可憐就方舟不
免驚心魂

攬勝軒

六龍此駐蹕精舍顛梵寺小臣塞垣來肅穆拜屏位朱甍麗旭
日玉几積山翠軒下古邊牆築之在明季時窮但議餉屯亂
無久帥中貴譖遙制臺官好漫詈哀哉戚少保功過足心悸今
幸際太平思之猶長喟

古北口

地盡中原山天挂秦時月喜峯連居庸夾此青硯砢一騎容關
門千秋幾戰伐沙清走野兕日落賸飛鶻乃見長城下屢臥白

頭卒近來關內民關外亦耕垡冥冥古樓堞荒荒無邏計真咲
甯人忙龍蛇膠齧齧

老虎峯

我宿老虎峯峯口呀以張初見塞上月升到秦時牆店中回回
女十五蕭剗羊齒雛鴉髻短手細鸞刀彊可憐羊命促洞腹抽
其腸術不可不慎禮教崩閨房豈能佩箴管但足謀羹湯坐隅
有老人言此峯之旁季季有虎跡月暗踏林岡我顧語老人物
虎不足殃此女乃人虎合嫁屠家郎

青石梁

石梁何高高其態多哈呀石坼者如龜石蛻者如蛇石頰者飲
猿石奮者翻鴉石大者騰象石細者伏蛙積此眾石執糾結而
紛拏敗厓有斷樹長風走黃沙三里五里水半紅半白花花根

敞幽洞冥冥誰按爬我來看花立不覺鳴泉譁瀉破嶺頭雪歎
亂山中霞一泉有一聲此是鳴琴耶此音徵師曠此技追瓠巴

黃土梁

甯梁是青石後梁是黃土下梁復上梁平阪豁林隴甯梁斷人
家後梁積畦圃牆頭瓜絡蔓屋背犢就乳婦女習女紅簪花坐
檻戶兒童巖際來家人先遙覩野曠聽盤鵬石平眉射虎不知
塞地瘠何有秋風怒斜日臬歸禽白雲見樵斧

喀喇河屯

山形與龍類頭角高崢嶸關之爲關門竿燾搖龍睛及其鱗爪
閒皆足藏一城此脈太行始蜿蜒誰經營嶽嶽衛郊郭蚩蚩養
編氓半天蕎花白十圍榛樹明地產榛子山高兮水長子生而孫生
家並五穀富市無一兔爭廣漠恥烏桓短促羞灤京歌詩揚

聖化圖瑞環蓬瀛

雨渡灤河

灤河沿近名迢迢古濡水浩蕩入關去潮白并迤邐秋雨溼長城孤舟在中泚不覺客懷寂無處采蘭芷危沙噴鮫鱗浮金動鯽鯉沙質金為氣不能喻其理倏悟淘金戶最與檀州邇漁陽置鐵官不出二百里金水通地肺寶物固不舛若貽百姓累姑畱天地美作詩述遺聞垂戒著肯史

漢書地理志漁陽郡置鐵官元祖本紀罷檀州淘金戶此河之沙有作金色者地脈相通也予雨中玩之故作此詩及歸渡河時午日正混濛更奇

廣仁嶺

廣仁裒大黑山也浩漫連山脅橫堰排土牛曲磴砌石蝻雲霧萬里舒蒼翠百層壓記鼓高盤盤揚鑣羣業業五花習健兒三日發摺匣兼馱四庫書不止十行劄慙愧事校讎忽忙共檢押

豈無一字錯素餐汗衣袷

時道逢進香要書回

雙塔峯

童季釋爾雅土戴石為祖誰將萬刀斧刻此雙璠璣塞月不孤照天風從中梳空靈立人屯伯仲無齟齬咫尺兩相望萬古迭躊躇那知一寸心升拔同泥淤

磬槌峯

俗呼棒槌峯

萬物皆上銳載之基可勝不謂防風頭承以昭明脛文章樹變格天地失常孕藤蘿伴雲霄猿鳥畏夕暝麤恨看山眼不能踏山徑秋風下黃葉虛籟如戛磬

熱河

自南邊牆來北碧里克圖東和碩莽喀西海喇烏蘇並為熱河藩風雲控輿隅五月大駕臨百貨通有無塵舍堆錦鬪場肆

騰驪駒一物權微利生計到匹夫九卿諸曹司攬衣馳天衢太
平稀封匭蚤退日半晡涼秋紫塞月勸沃酒百觚乃知正朔久
但見職貢趨

聖人所到處皆足成名都

堯心惜茅茨禹甸環郊郭願獻瑞麥謠以與爾風俱

時山東巡撫進瑞麥

畢秋帆中丞入 覲亦來熱河相見道舊有作二首

吾道不漂泊夔龍已際時縱然心報國未到鬢成絲幕府聞歌
歎風雲肅帳旗只予驚歲晚無復舊娛嬉

會面無定所秋風榆塞長窮交憐伯氏

家兄移迪化貸金治喪

一見問高堂

旌節從天降舟槎在斗旁公多公輔相緩緩憶滄浪

塞上七夕集孫春臺侍讀同季寓齋二首

少季瓜果祀雙星中歲悲懷酒不醒如此長城如此夜鵲何窈

窈月冥冥

天上佳期塞外樓燭花金粟月銀鈎自知桑下無三宿一刻清
光戀女牛

七夕後一夕史卓峯駕部同季馮玉圃舍人親家招集

同人酒散示玉圃

黃姑乍別猶良夜紫塞能逢盡故人隔一關門砧杵少爲多酒
盞月華新香分畫眉陪肯席屋老滄江憶釣緡邴漢功名安了
日向平嫁娶蚤抽身

次三道梁同王述庵通政對月并題其詩卷後

看月山梁山翠無月中相對語榮枯十季慈母雙行淚萬里歸
裝八陣圖名士從橫能仗劔詩篇彊硬亦彎弧慰忠祠記蒼茫
在又爲知交一歎吁

成都建慰忠祠蓋祀友趙璞庵程香岩諸君者述庵撰碑記

塞夜

塞老月晶晶無風艸樹鳴亂流歎大鯽一火宿長城狐兔肯朝
積妻兒種地兵版圖皆內地無處感邊情

密雲懷古二首

城有古墓哀墓有大峰來此峰幽暗久不上看花臺
轉漕誰事淒涼得寶歌龍慶倉肯望滔滔卷白波

會榛子

棗栗同時熟鮮新價未增江南逢七月最好折腰菱

看鹵南一峯出雲

一峯初看雨雲生不必峯峯盡出雲到得爲霖天下喻此峯退

讓詎知聞

熱河後集

庚子

石匣

金墉非重鎮石匣有遺營山勢連關起河流到縣平小花依
輦路老樹靜邊聲驛路檀州近將疑是柳城

白檀山歌

建安之歲征烏桓誰主行師老阿瞞許都取道易州去千里輕
輜出白檀烏桓烏桓莫忝匿不如奇兵殺國賊能容袁尚不爲
功以報漢皇反是德老阿瞞爾將漫學周文王高貴陳畱風送
燭墓艸鹵陵夕照荒

紅螺山歌

大都中都高嶽嶽圍得紅螺山一角自從有衛置開平不見殘
兵餘守捉本朝中外爲一家山肯山後盡桑麻迤邐邊牆無
所用雨餘長

上聲

上女蘿花孛羅擴廓緡肯史祕戲天魔樂無比

內禪將爲太上皇惠出也成此不才子昭祖宗可汗昔開基幹
難河邊建九旗龐完元帝庚申局誰次灤京甲子詩

九松山歌

佛樓山腰紅牆寺寺裏鐘聲出煙翠鐘聲不似松聲長虬角龍
須半空戲其時雲淡有微風落日平岡不到地一松二松松突
兀童童車蓋雲師轡三松四松松偃蹇僵倚枯巖老人醉五松
六松與七松鷓鴣鴛鴦鴛鴦鴛鴦八松一折凹橫梁九松分劈寓
兩穗舉最老松次第之以下兒孫不可記筋羸骨大皮毛古雨
往風來神鬼閱萬物託根貴得所五老四皓昌而熾松花好共
石牀清白雲正與孤鶴睡謔栖山澤得身全蚤作棟梁亦心悸
材者彷彿不材壽此福豈非天所賜我今寄語世上人不必區
區鬪才智

土變石行同翁覃溪學士作

太初宵邃眇開闢人物山河同一族一從上下奠定忙上者五
嶽下四瀆聖人三元一出屯手畫長川踏大陸九州墳壤辨五
色萬石中央藏一玉剛柔燥溼暗錯雜石耶土耶相倚伏大風
大火鑪冶奇土孕嶷嶷石轟轟一片橫梁塞今古切斷雲根紫
閒綠開山大斧削芙蓉指地神鍼通直容切種俗作種稊土之變石歲月
長人之變土季壽速那能俟爾五斗泥化作稜稜石一斛吾聞
眞陵開山日半股斷釵銜石腹見唐人化書荒怪不盡言有氣有
形互亭毒吁嗟乎山頭新婦盼行客何況區區土變石

六月三日巴克什山對雨

雨裏山坳屋炊煙縷縷繁雞聲松葉暗虎跡石泉渾催飯拔瓜
菜移牀對土園眼肯泥滑滑塞夜蚤關門

灤平縣

喀喇河屯改置以理事同知理縣事

塞上新分縣文書判郡丞山光當屋鏡河水隔橋鐙牽犢時相
過魯魚半不能

灤河產鮑

太平人儉樸田賦只輕徵

承德府

熱河改置為直隸府

喬木長風煙平沙護土田七廳同鑄印一郡獨臨邊各部通廬
帳諸生習簡編

至尊親釋菜

鹵簿戟門傳

雨

御苑連天咫風輕雨半稠香濃初潤火雲起欲藏樓亂點豹花
尾斜寒蓮葉舟蓬萊羣玉島仙露曉珠留

晴

雨霽景芳菲天長晝漏稀青山開御幄紅日照朝衣偃蓋

園松翠長生塞鹿肥時清封事少 朵殿靜餘暉

孫副憲同季書院小鹿

殺雞僂置酒多謝故人勤繡豸高臺閣涼蟬雜雨雲招要書院
坐在井野花芬小鹿山溝得呦呦感舊羣

期蔣心餘編修未至同覃溪作

君擅匡廬秀詩人近代無肩金如翡翠缺樹亦珊瑚衰病遲行
李邊關補畫圖相期難會面星斗立庭隅

歸涂雨阻喀喇河屯

石鬪浮梁鼻人爭急雨來河聲動天地牆館聚莓苔所恐田廬
澇將為衣會哀鶉鳩唬不到

水鶉鳴則雨塞上無之

算為旅人猜

又雨

淅淅泉如井蕭蕭雨響沙秋禾將爛葉山鶴欲思家晚接烏雲

日朝燒碧海霞陰符晴不驗獨立自咨嗟

山出雲行

遠山層青近山綠關外看山看不足一縷白雲繚繞之如蛇出
穴蠶上簇翁翁翳翳積輪困大於黃牛小於犢如環如玑如圭
瑁如罕如旂如翻燾天女舞花衣帶長神人漂練溪流曲山少
雲多山不見南北東西周踏踣一山一雲各有主四角殘棊合
一局不知雲有底事忙頗與人生同碌碌滿頭白髮吾無心夜
雨空山滴茅屋

次三道梁雨夜懷王述庵臬使二首

月鏡松亭取次開吟詩此地舊裴回而今半夜懷人坐坐待山
風卷雨來

青山如畫兩詩人當日題詩亦苦辛風雨夜同明月夜不知何

事並傷神

雨後下三道梁

塞山不耐雨一雨山水注分岸開屣屣壓壁暗雲霧有梁榷脊
背急流又旁度一落一二丈聲響所以怒山花倒溪瀾白沙如
白鷺鷺飛沙亦飛凌亂百十步不知何雷霆心悽畏反顧忽然
山坳黑凹凸若墟墓梔子枇杷葉無數無名樹大石如封牛小
石如鼈兔谷空萬竅號梯鉤白日暮馬蹏裹以鐵石孔四足布
一足不能受塌焉委地仆冥冥取微徑垂堂誰告訴

雨中下黃土青石二梁二首

一梁黃土濘一梁青石削上天絕穹霄下地墮哀壑土梁非無
石山壁若包絡一石一滴水石汗石縫落是雨不是雨飛濺溼
領襟渾泥聚中央只是無立腳長鞭鞭鐵驪搖手且暮暮人馬

相依倚性命可憐託我非龜與鼉游泳詎可泊
行行土梁過莽莽石梁長石路益以滑雨虻益以彊石梁兩脇
山夾植當天閭中有一匹練直下橫青蒼好峯被水漫清麗富
文章那知梁上人一步十傍徨腳踏石齒齒耳駭波浪浪大聲
萬杵臼小聲千宮商要借天地勇而助水石撞遲回怯下阪浩
蕩心茫茫

渡河二首

灤河橋未拆未雨先半日今日渡潮河洪濤十丈溢就近土人
多覓得古槎一絕無蕩駕才不受官府詰勤劬杖手足裸袒到
臀膝車馬雜喧呶風雲猛洶洶淺灘曳長組眾力不遑恤中流
鮮主舵僥倖乘險出長季窮號令羣兒徇子姪在索錢貫盈不
在人命失我感千金軀如何不慘慄

我來迭涉過去聲謂此是白河淫霖四晝夜艱險成風波地邇黃
花軍人唱小海歌敗土荒荒岸斷磧鱗鱗渦吾素見吳兒弄舟
如操梭鹵北不擅此材智豈有它篙楫拙手用人馬同船過人
情猶可測不測馬與羸薄板亂蹶齧交嘶搔痒痾而此爭渡人
輜橐排蠶窠沈溺足君慮擔負爲誰多

牛關山南三十里禾黍阡陌之間積滂牽舟乃渡感歎

賦詩

一雨土不乾四日天爲漏條條阡界陌芃芃黍及豆我先十日
來實結九分秀潦水一漂沒低鄉四奔湊夫婦空酸悽支頤仰
圭竇眼見衣會無聽之不能救根浮葉將爛田荒人頓瘦方舟
我何向涕淚漬襟襲青青拍水長獵獵扶船走萬家廚中飯一
地汗泥臭人事不可料盛衰何其驟

塞上燕

塞上紅襟燕沙清水白嬌銜泥成壘急引子度關遙茉莉江南
樹姮娥午夜簫下簾曾見汝悵望一魂銷

塞上女

塞上燕支女逢人招手多折枝長十八彈个紫杪權山下當鑪
慣門角汲水過風波行不得郎意欲如何

竹葉庵文集卷四

竹葉庵文集卷五

詩五

吳縣 張埧 商言

鳳皇池上集一

辛卯迄癸巳三月

和陶詩十首

歸田園居

先人之宅在菱湖在所傳四雨莊是也今已鞠為茂艸故和陶詩以見志

菱花日夜香水汙界阡陌下船學采菱船隨菱所適風急蕩槳
歸到門不及夕夕陽半桑梯山妻在樹隙時清減賦稅人閒少
徭役生男皆能耕生女皆能績我思爽鳩氏不樂復何益

乞食

少時指倉困其樂不知之中歲失家業奔走不敢辭鴻雁多磬
磬秋風夜半來感茲不遑寐一舉傾十卮既諳乞食苦每詠淵
明詩梁肉亂吾性是或為不才黃金縱盈篋應辨誰所貽

雜詩四首

天地森浩劫，歷歷須彌塵。我乃如壤蟲，跳躍樂其身。最遠四夷外，近亦五服親。煦沫自相溼，實與枯腊隣。上壽無百歲，黃雞已過晨。拊髀長太息，至苦無如人。

棄婦若委非，掉頭無所稽。入門復出門，一步東西崖。噉然一長號，聊以申中懷。盛季恃顏色，渺渺歲月彌。好花不忌憂，贈子以將離。丁寧後來者，毋爲虛意羈。郎心非妾負，妾願爲郎虧。

莊舄爲越吟，其調何悲涼。行旅實不樂，五字續河梁。丈夫能斷頭，不能不思鄉。微曦苦無力，不散瓦上霜。願言如鷓風，自展六翮長。

陰气忤於午，陽气孽於子。初長不可折，極盛不可倚。徇人者失己，違天者背理。

連雨獨飲

吾庵有酒僧，其生則已然。今日著屐出，吾獨在庵閒。撫茲壁上琴，中有蟲曰仙。是蟲頗狡獪，宮商得於天。吾亦不譚琴，任爾導吾先。奴星赤雙腳，擔酒雨中還。擔頭挂勺藥，花開又一季。插花對酒飲，陶陶復何言。

有會而作

買米不及斛，米盡鼠苦飢。牀下似告語，何不令吾肥。牙可裂巾箱，矢可潰中衣。吾故憐先生，弗欲貽所悲。東隣正椎牛，誰管錢刀非。西家亦販脂，頗有腥羶遺。先生何局促，帶索行吟歸。莞爾謝鼠子，爾尙非吾師。

問來使

立夏尙聞雁，登臺寓遠目。不見繫帛書，故園感杞菊。故園西山

竹葉庵文集卷五
一
趾藥艸當門馥白猿下牆來朱櫻一樹熟

雜詩

汲水向江頭粲然小女子戲拍阿姊肩撩髮紅裏倚夕陽在西
嶺慨念風濤理

吳中吟四首

織機

古人務蠶織閨門耑女紅那知吳中俗男子操梭從新絲入城
市染繪分青紅織出花樣好舞鶴和盤龍一絲不到處一匹不
能終軋軋填小巷淒淒達晨鐘季來蠶事薄絲價日就隆著者
不見少織者業逾窮街頭游冶子春晝如狂蠶裁翦不愛惜五
色騎花驄誰家梨園部繡蟒真玲瓏一夕歌舞宴羅綺霞光重
鮮新無幾日粉汗當心曾可憐韋帶土砣砣春屆冬讀書慕孔

孟鄉道頌義農十季一布袴對客手自縫皇天判貴賤豈在衣
褐中如何太倒置不均儉與豐卻有老織匠麤說知民風一織
一歎息辛苦爲誰供

刻書

古書廢汗簡謄本盈巾箱熹平石經就鈔寫舉國忙較對辨字
畫盤繆分偏旁且寫且卒讀無逸功效將手眼兩兼到積日千
萬行長興興雕印遞降價不昂載船日書客攤門日書坊乃至
極貧士千錢買一囊走馬若看花皮閣猶藏薑土風競剽竊根
柢誰考量辟之轉掠女不知母族詳辟之亂宗子不知祖派長
帝典與皇墳巍巍高天綱叢雜褻枕簟敝棄黏門牆識字不辛
苦黎棗爲之煖近今盛說部寓言多荒唐么麼小文豪無恥爭
雌黃一一付棗刻此恨填胷腸安得喻流俗水火驅滅亾僂僂

貯實學經史尊膠庠

賣女

我歌吳中女容貌嬌如花長成五六歲識字聰明誇朝朝學堂
走夜夜書包拏長成八九歲雜伎兼箏琶清歌妙瀏亮一嘒鳴
芳華十一與十二翠鬢堆寒鴉十三與十四月面歡朝霞物雛
知識蚤綠樹紅窗遮纖手弄團扇獨處矜匏瓜郎君何處來門
肯白鼻騮百金買釵釧千金贈娘耶絕裾僂永設萬里天之涯
顏色易消歇寵愛空悲嗟室中有悍妻刀杖相誼譁又隨媒妁
去道遠莫還家為人黃金悞為鬼白璧瑕曷不教采桑曷不教
績麻曷不擇夫婿結髮聘以茶吳中以茶為聘如何生我時父母起念差
君看作妾者幾個戴卷髮

種花

種花誰作俑朱勔之子孫屏居花術中裛鬱借自孖吳人習業
此十畝開芳園種花識花性圃萼大且繁看花酬花直餅金致
一盆亦有最小花獨畱最老根一石寄孤峯寸樹疑山邨秦松
與蘆栢縮本傳其神持獻富豪家譙賞羅栢尊栢尊勸停飲聽
我歌四民有農稼穡始有工工巧陳或商或為賈阜通財貨源
物物有利濟葉葉興後昆汝暫復何益浪博錢刀頻富家幾種
花貧家養幾身曠花代米穀飢者不勝吞縫花綴衣襦凍者不
勝溫是雖勤肢體罪比游惰論天地生好花非藉蠱惑人如何
山塘路風月想花寬

肯為吳中吟賣女詩未盡其流弊重作一首俾采風者
考鏡焉

吳中賣女家造禍始媒妁貧民生事拙着女本不樂同巷諸隣

姥聞諧共商酌此女好頭面此女好手腳若充貴人侍舉家謝
藜藿里中慣媒者風聞出簾箔餌其父母金借貸頗不薄甘言
喻毒意畱女爲質約三五閒房舍牆壁稍涂堊明朝攜女去牀
頭安帷幕教女以圍棊教女以六簿教女以書寫教女以絃索
盥漱有常經飲食無大曠不願玉環豐寧取飛燕弱一旦神仙
人妝成開畫閣鳳皇鑄釵梁鴛鴦繡領褱附耳垂花璫引跣吐
蓮萼貧賤學富貴大雅善酬酢一步再廻顧光儀如電霍女亦
自矜驕父母並歡噓何處鹽鐵估錢蚨飛霍霍羣媒雜蠡擁大
船沿河泊船頭人一呼羣媒磬折諾致辭女父母良緣不可卻
此郎業陶頓主婦賢鍾郝生女嫁門楣弗愁隔沙漠奴持聘金
來青絲紫囊橐千金倍有餘父母雙淚落父母得二三八媒
者攫媒者數肖事一一言確鑿如何教才執如何備衣著幾季

爲女費豈竟填谿壑父母拜媒人多君相倚託已矣三生孽成
此九州錯瓜分婉變姿皮骨眾羹臙着女富他人束手被牽縛
送女上船行打鼓解船紵萬里閱風煙生外斷寥廓哀哀向夜
嗚天涯寃寢各不如嫁東家兒郎親忖度不如嫁西舍舅姑眉
賊虐昏禮亂男女此風最慘惡不待教而誅縛媒置鼎鑊桃夭
與冰泮庶幾免剽掠

內閣夜直

承明橐筆夜經過官燭疎簾興若何鳩鵲地分 三殿敞蟾蜍
光傍九霄多太平時世紆籌策禁近文章費琢摩卻憶鄉園當
八月桂花叢裏倒金荷

封印後入直

天高薄日隱觚稜禁地清閒得未曾廚竈儉於寒食火文書亂

似打包僧鑿窗差少斲人見畫諾全無小吏鷹莫咲眉中太窮
餓官銜原是一條冰

養鶴

市舶腥風半汗漫貧家入饌酒栝寬生成玉骨無泥滓老向滄
江刷羽翰天上神仙遺蛻好人閒魴鯉作書難溝渠霄溼誰眞
假贏得兒童拍手看

清閼閣硯

元末詩人次弟豪鐵崖外史並名高玉蟾劫火餘清淚曾記先

生賦翠濤

雲林有翠濤硯詩

乾隆辛卯八月太夫人七十生辰舍妹來京師祝壽屆
壬辰六月去之武清送別三首

頻頻遠宦未安居太息兒童竹馬餘一樣同懷春艸句何季不

寄大雷書善持門戶操心慣多歷風波理髮疏贏得天涯今見
面藏鉤賭酒巔園蔬

宣武門東屋數廛榻來骨肉遇團圓棗花當戶四五月豌豆堆
盤百十錢半歲光陰殘寢裏兩家兒子一鐙宵那堪又作離亭
別艸長鸞飛故惘然
買田歸計未全眞輾轉東西又送君嬌女明珠尙辛苦孤兒葛
帔況風塵聚偏欲散嫌時窄去不能畱諒我貧還約鞠花開放
後重陽風雨會蕭晨

徐隣哉太守甫輩過訪記珠軒同觀宋元以下字迹

碑版千春照眼多高牙大燾欲如何誰人贈酒三百斛日日看
花寫換馘

顛詩未已雷雨大作

空中龍蝨誇若神屋角雞蟲坐守貧雷雨催詩添怪格風雲變
態如奇人香猊離明火灰淺鐵馬震動宮徵新老夫掀尋解事
客墨豬大字書天真

八蟲詩

腐鼠鵙鸞何所求匡牀午枕破除休喻人半是能言鴨震世偏
多識字牛大道猶龍天地祕微生屈蠖古今憂不如指點常行
樂雲水無心一散鷗

舊藏蜀妝鏡歌

天雄節度王承休豔妻中葍不汝羞君王賜鏡恩意稠三十二
字題銀鉤鴛鴦繡帶開妝樓瑤階手指奎壁婁私誓夜淡花滿
頭玉簫宮宴宣華秋劔門高高去國愁結廬永作秦中囚亂軍
殺氣橫兜鍪香匳舊物誰人收夫婿嗟哉重圓不樂昌公主夫

何尤

事詳張君房麗情集玉簫蜀官工人名後主衍被俘入秦至劔閣作詩曰不緣朝闕去
好此結茅廬

七夕宋小巖太守王葑亭舍人同過記珠軒夜語次葑
亭夜坐韻

蓬蒿掩徑碧於苔洗足關門遲去聲一回夜有蟬聲淡巷好涼隨
螢火故人來多因瓜果思鄉井權撥茶鑪當酒柘宦海恩讎俱
寢幻荷衣竹帽趁時裁

立秋夜醉訪葑亭又爲置酒見示新詩繼之有作

偶乘小醉影戔戔又訪同平隔巷過一葉知秋人寢醒三分明
月艸蟲多漫題科斗涂殘墨且酌葡萄勸素娥偷得餘閒我輩
好朝衫摒擋待漁簑

羅山人聘畫鬼趣圖

羅山人眼常見鬼鬼不瞋黎邱丈人鮮解事眞亂作僞僞作眞

泰山錄事大可咲日日考召廷苦辛不如山人巖下電薜蘿墟
墓多傳神初露頭面降尻股各致跳躍隨風輪地獄變相有殊
族神仙忠孝非等倫羅山人人以爾爲鬼董狐董狐筆墨何不
圖河嶽書星辰人以爾畫爲點鬼簿又恐沙蟲猿鶴其人一一
名姓遭沈淪呂后殺如意武安殺竇灌如意竇灌之鬼及舛殃
其身但使人鬼兩無忌讎無可報恩亦均垂上公等儘遊戲疇
能厲虐光天化日之良民

羅山人畫伏虎禪師

上士攬虎頭下士攬虎屍夫豈敦好修聖門肯出此佛教乃以
虎示雄著者大小青與空離家誅茅揆巖壑日長鐘磬搖松風
虎儼似啞儼似聾僧被白髮居當中或謂應真飛錫處巍巍龍
象高天宮山魃木魅跼聽法何況毛羽人間蟲又謂高僧操呪

禁風雨元象窺宵蹤水火刀兵並解脫獬獸懾伏羊犬同嗟嗟
垂俗崇神異白足傳會推禪宗虎諱啞嬰兒亦諱啞醉人物我
機不動天地化還淳虎不殺人人殺虎無怪冤禍常相鄰僧辟
嬰兒醉人耳人無所迂虎不瞋吾願騶虞滿地偕麒麟垂上無
呼封使君可憐急怒猶堪縛咲面看人最斷冤

秋夜讀書已聞曉鐘

夜長秋氣撼門扃得有蒲牢仔細聽一百八聲僧界靜萬千億
寢垂人醒紅樓歌舞花間蟲白髮功名艸上螢何似寸陰常可
惜讀書鐙尙映窗櫺

秋蟲

羽翼獨崢嶸高秋靜復驚空牆空鼠穴遠夜應鼃夏肅殺還天
地淒涼感性情一聲聽不得何況百千聲

秋花

秋卉乘時令含苞並吐芳豔知無幾日久恐有繁霜佳客攜尊
酒清言坐石牀願為松與栢冰霰不能傷

秋雨

難料陰晴事靈霰陣未收酒旗纔溼岸虹脚又明樓浴趁池塘
鴨喧爭屋樹鳩菰蒲煙雨闊記載石湖舟

秋砧

斷續杵聲微林鳥慘不飛音書悲遠客冤寢在寒衣鐙燄紅闥
短霜花紫塞肥玉階猶佇立誰與寄當歸

秋寺

塔院隔溪便風鈴漠漠傳僧歸黃葉寺鳥樂夕陽天齋響嘗新
稻秋鐙坐夜禪題詩已公屋不到又三季

秋扇

彷彿初辭輦齊紈託苦吟恩非緣主替怨只為秋溪愛憎隨時
俗炎涼閱古今來季樞火候珍重篋中尋

題羅山人歸帆圖二首

江艸江花並可憐檣鳥个个夕陽天此行那得揚州鶴還我來
時書畫船

江上有人樓上頭翠微雲樹認歸舟願今縮取長江水只在門
前屋後流

記珠軒消寒喝韻成詩詠畫麻姑進酒

喝韻者成詩一韻繼喝一韻應聲而得也

月沙餘粒化胡麻肯借星君老姥車天上雲煙金錯落人間翰
墨玉丫叉修眉長爪為仙子滄海桑田紀歲華一飲瓊漿生百
感霜花無數結檐牙

燒秦

京師燈夕岳廟中作秦檜夫婦泥像穴其中燒之曰燒秦也

南渡衣冠事可傷東窗窈窕舌偏長
夫妻今日團樂熱父子當年雨雪涼
大將寒燐三五點小人毒火百千場
復教糜爛成何補春月春燈哭鄂王

二月五日水仙盛開重爲試燈對酒而作

今夕復何夕新月上衣襟銀花與火樹
艸艸爲光陰屋梁舊鏡十八夜看鏡
三五如晨參失執卽塵土及時皆黃金
呼婢拂拭之燦爛燭燄淡幽花裛陽和一吐
天地心芬芳不摩滅苦節矢微忱老夫劇
感觸濁酒取次斟陶然曲肱臥元默無古今
人生不適意墟墓誰相尋但願酒不醒不願
名不沈問彼鳳鸞嘯何異壤蟲吟

梅花

晨寒出甫邨邨柵不上鎖此閒無外人
雪與梅花我尋花不見花凍香一林墮
卻見賣酒家酒餅插花朵遇梅果然佳
訪雪無不可

次韻美人風箏

任吹多少亦神仙君皺畱來並可憐
只想爲雲應怕雨不教到地僂升天
身輕彩鳳無拘束骨出飛龍有棄捐
聞道瀟宮絲續命一生芳艸夕陽邊

借書

鄰家未致束脩羊四部分攜卷帙忙
頗似求金思作庫卻同乞米欲成倉
事無可奈仍歸趙人恐相嫌又發棠
何日積書巖下去方回遲去聲我訪謨殤

題灞橋風雨圖二首橋以屢築不成厓存渡舟所謂銷

竟之柳無一株矣

灞橋今日已無橋楊柳千株亦盡彫此是皇天惡離別故教陳迹一齊消

灞水千季清不渾風風雨雨到今存可知不是真風雨五字河梁涕淚痕

春日雜憶故園七首

北園菜花

顛倒平生薄宦非故園三月景芳菲酒餅在手六國印花霧上身一品衣鴨綠漫沈溪岸版駝黃熏透寺門扉良辰如此不歸去南望春雲片片飛

上沙婦家園亭

記會上翁未還家與婦移船到上沙半世外生成契闊小園風

雨慣橫斜池閒科斗紛如織屋後芭蕉亂似麻此景飄零腸斷處不遘水木憶清華

虎邱程氏園亭

塔影灣邊占一邱游人如蟻作春游花中白日不到地船裏紅裙盡上樓一徑鴛聲疑入寢滿園酒氣賭藏鉤布衣兄弟今無恙莫爲閒關傻白頭

西鄰王尚書

心一廢園

園落成於崇禎中尚書有碑記

荒園咫尺日婆娑春艸閒碑此地多江左士人猶土木河南盜賊已干戈一區地宅貽孫子無數風煙障薜蘿寄語庭花休亂發烏衣王謝奈愁何

筍

玉版同參韻起予此君苗裔味清虛三餐白飯齏鹽外一震蒼

箕天地初未到清明勞市販雖逢風雨叩窮廬百錢買得貓頭
賤鯉屍猩脣盡破除

蘭

聞說蘭溪趕船忙筠籃捆載致頭綱有人花裏營家計一巷風
來盡國香細艸必除添活水新泥纔種避斜陽江南事事堪行
樂辜負書窗薜荔牆

鮐魚

餅金致汝異常珍出網鮮新及蚤春滿箸風雷迎酒客一船冰
雪護江神漫嫌芒刺森森骨不去霜花薄薄鱗節物季季容飽
啖官廚久擬讓他人

薛素素馬守真畫蘭扇子三首

六朝金粉與傳神寫出人閒九畹珍賸水殘山兒女恨一般姊

妹兩夫人

柳廳蕪顧橫波也

宣和團扇舊從橫文彩千秋不世情同入淒涼庾信賦紅橋桃
葉長

去聲江聲

寇家兒亦有風標也仿幽蘭點葉苗國破家亾無足惜曲中一
一盡人妖

王翬仿古冊子十首

黃子久千峯聳秀

作畫不必此畫作詩不必此詩富春鳥目不遠行腳蕭然遇之

雲林子虛亭嘉樹

十季期以種樹三季期以築室但遇林中亭子坐到溪邊落日

王叔明谷口書齋

一隻艇子進口幾季故人到門買酒白雲遠岸哀琴流水孤邨

米元暉楚山清曉

今朝四山新沐日出初聞竹雞芳艸叢生嶺半可憐踏作樵梯

顧寶幢風雨蕭寺

天花半吹佛閣山茵多長僧房沙彌鐘磬未了一龕風雨清涼

董北苑夏山積雨

灌木陰陰障翳溼雲老住巖阿山腰流水太急流到人間奈何

趙令穰松溪垂釣

縮項之魚一尺長尋之松十丈夕陽將黃不黃晚潮欲上未上

管仲姬艸堂讀書

趙宋山河如寢美人書畫忘饑歎息艸堂晝靜綠滿王孫不歸

宋巨然仙巖訪友

神仙未必可訪訪者平生故人故人如爲偓佺亦應薦我歸真

曹知白重江遠岫

十五五沙鳥三三兩兩山樓帆脚罄然一落真見萬里江流

寄題懷谷樓二首

樓中書卷昔時人蒿里松邱一斷魂清淚莫尋奇字處濛濛寒
會雨初渾

盛憲風流未渺茫竹溪鑪火舊書堂重勞金粟求遺槩斷墨零

紈字字傷

拗蓮詞四卷子刻一卷顧上舍足成其書

竹葉庵文集卷六

詩六

吳縣 張埴 商言

鳳皇池上集二

癸巳四月迄十二月

昆明湖行

波漫不沈湖上山橋鎖不定山下水魚龍遊戲天當中日光冲
融射金祀吾

皇神武古無敵手拓封疆二萬里眼肖戰艦錦帆開漢武旌旗
兒戲耳我偕同官破曉暝披衣躡露行稻田溝頭急水鳴濺濺
不來自地來自天平疇一豁見沙脊蒼茫溟渤相鉤連是日雲
溼清復清四山樓閣琉璃擊鉤陳元武壓水怪紫微北極高星
精湖中作闌分門捷十五五金堤偃簫鼓中流彩鷁飛蓬萊
宮苑

聖人歸又 敕明朝修火器

親御樓船看合圍

分校四庫全書二首

字從玉筍羽陵來大力能趨並異才詞句既興三篋廢碑文偏
盛六書災

聖人治世秦灰活

天子傳經漢殿開袞袞諸公叨祿俸范頭邊腹合淹該

積書巖下幾叢殘太乙青藜湧異觀一字關心常不放肯生經
眼再來看天畱世外消閒事我樂平生本分官半歲遯名休沐
暇也教灼灼著長安

時子在假

種花三首

桑必無三宿樹應計十季老夫忘久暫紅紫自相鮮蠶蝶羣趨

賀雨風獨見憐此時安載酒醉艸一亭元

月出屋東角空庭纔有花花光如紅霓苔色隱青蛙益以鑪香
永遙看北斗斜幽人肯問訊老圃欲成家

天公知世熱有意假爲秋雨日雲頭溼千絲雨腳浮是真花命
好不與旱神讎睥睨清涼界毋先搖落愁

荷錢

貼水黏波次第尋錢錢小字直黃金乾坤花樣翻榆莢天地洪
鑪鑄滿心魚戲周遭容易徧雨擎嬌小尙難任連朝輪郭分明
厚綠滿池塘淡復淡

五月二十七日對雨答潘榕皋舍人同季二首

虛庭爲巨壑檐溜注湯湯鳥雀艱於食風雲盡若狂多君消渴
疾坐爾讀書堂一洗塵埃淨清詩出肺腸

同道中書眉偷閒過訪回門庭原寂寞雷雨卻喧豗詩老驚成
容心童嬉似孩天游無六鑿何事是愁眉

同人集記珠軒賦盤香詩

香國羅羣品根葉具艸木屑粉作炷香燄斷不能續伊誰出新
樣螺旋而蝟縮頗同夜績長卻賴朝春熟君言枉尺可我謂轉
輪速配以長明燈比之不息燭安置室暗隅幽輝照書篋祝融
古丈夫從來不蹉跎到此爲搏捏無地不受曲灸上乃下起熱
左且右復回文美女詩閒道仙人局流星按度行御風因氣逐
勢已在必燼人猶戀餘馥火梯建圓陣炎井洞淡腹升進不知
止顛頂半成秃吹灰壓陳迹迅掃動盈匊佛家備供養荆製安
僧族氤氳周六時光明寓一粟近人嗜煙艸請緼厭童僕徇此
磨團團架乎柱矗矗積薪儼有餘傳鐙無不足巧僂特盛興邨

巷暨黨塾眼肖敦佳會分題消暑溽好事存此詩補入眾香錄

集葑亭雙佩齋賦聽雨詩

曩與孔誦孟聯吟聽雨詞擲筆出空闊下句捐毛皮花閒艸堂
閒一洗諸淫辭季來心力減詞竟不復爲結習未除盡酬應形
之詩眼肖二三子格律實吾師五月積雨多上天成漏卮雲霄
直一潑并點無參差震澤在庭院舟楫何以持彼哉獨腳烏鼓
儻而鳴悲那有穆王笛卻向天門吹今日果良會敦盤眉禮儀
酒氣接雨氣飲溼真無疑吾鄉明瑟園花石方圓池中央聽雨
樓雨中常登之樓中皆酒人樓肖皆柳絲綠陰數千尺最好空
濛時景光若寢寐少季不可追稼穡勝名宦桑梓相娛嬉安得
吾輩人盡是農家兒此詩紀肖事醉艸君勿嗤體製失冗弱姑
冒長慶遺必欲歐肝胃必欲斷須髭其詩誠可尙其人不大癡

六月一日同人夜集記珠軒送王蓬心郡丞之官安昌

次韻二首

庭階積雨欲連旬惜別今宵醉裏身入世不應爭戊子當筵且
與坐庚申銓除一紙夷陵客陪從三季春禁人蚤訂白頭尊
茶約吳中二老往來頻

宰官說法指由旬妙諦華嚴現此身佐郡麤謀方朔飽渡江獨
弔女嬃申君添畫裏新詩筆我戀鐙背舊酒人千古府丞俱好
事魚乾可得寄來頻

安昌所領歸州即秭歸縣有女嬃廟又多產鱖鯉君戲以可遠寄故以南陽丞爲比

直廬夜吟三首

曜靈功最偉西夕必自藏夜見三足烏童稚叱不祥所以賢達
人越俎良用防艮止必有位震動必有方龜以在塗活蘭以當
門傷掾固三語好策咲萬言長

神農大聖人乃設日中市世俗何奔忙競謀衣食起七日鑿混
沌百季出姦宄際乎旣晏晦閉門高枕耳差少爲惡場卻還太
初理善心生平且藉之作綱紀

萬聲發一曙最是百鳥先百鳥不爲蚤先鳴一二蟬是物吸清
露高居樹之顛俯視下界人一一皆熟瞑那知直廬客鐙影心
惓惓江湖擬有寢寢亦近難傳

家方壺舍人招集同人賦黃金臺詩得之字

千金致館穀萬金築臺基不信眞國士感召惟金貨媵臣奉纁
幣鈞容羅車旗彼所爲者大相悅非恩私東西不二帝列國從
橫之客卿作上相印綬何陸離所慕黃金來所徇黃金而鄒衍
與劇辛豈是帝王師

校書戲作

校書如埽葉揩眼欲生花難正千金誤能無匹練差客喧門外
鳳我樂睡中蛇載酒偏寥寂奇文近不誇

寄顓虎邱十二首

試劒石

賢良爲脊清廉鏐未必真能刺石開可惜夫差無計較越中八
劒不攜來

王珣故宅

松風水月舊陂陀曾與王郎識面多不值外人爭地界古今傳
舍欲如何

千人石

幔亭仙樂廣場開花雨漫空七寶臺松磬一聲人定後老僧自
埽石幢來

顏書石刻

虎气淋漓入筆無握拳透爪正人俱夜來光怪燒山壁佛殿甬
頭四顆珠

劒池

池淡暗黑幾千季疑劍人傳小洞天我獨凭闌吹鐵笛吳宮花
艸寢游仙

鐵華巖

鐵華巖下水潺潺鐵華巖上華斑斑莫言鐵樹無消息鐵樹華
開郎亦還

悟石軒

曲磴虛廊屐齒遲颯然四面天風吹枯藤自縛千季石山鵲踏
殘松桂枝

梅花樓

梅花招我到山頭我與梅花共一樓只有白雲容闖入南窗洞
達北窗幽

愁愁泉

銅餅次第乞寒將莫與貪泉並較量七里山塘小女子半緣愁
態看死央

真孃墓

人面桃花似彩雲佳期蹇阻感靈芬紫驪誰繫松杉外南國春
淡小妓墳

山後玉蘭

玉甃擎空絕代誇朝光肯受赤城霞何當句抹肖賢帖不數唐
昌后土花

塔影浜

誰將河漢記圖經春水偏餘瓜蔓形不看浜溝看塔影錦帆五
色一齊停

大竹知縣程君蔭桂哀詩

運餉濟師如救火拔刀斫賊如剗水半夜官軍盡數逃不信元
戎如此外吾初聞君令大竹徵調何來木果木拌將白骨撐青
天新鬼無頭不能哭是月己未日戊戌營門不開水道絕一手
打鼓鼓無聲一手彎弓弓亦折同時畢命有詩人趙君不得全
生卻全節縉君遺畫不勝悲今古彭殤猿鶴知

天子旌忠詔哀痛幾家祿養羽林兒

程君殉難授命之正者故人悲懷不能已已重題二詩
書其畫卷後

秋氣悲人邊塞長巫咸能叫路茫茫家無粟帛真循吏墓但衣冠是國場半世妻孥餘涕淚廿季筆墨重琳琅我修畫史分名目忠孝應標弟一行

平生奇氣總難韃含咲臨戎陷賊圍蒿薤到頭須不免烏鳶啄肉卻全歸便填滄海由人力欲吐長虹壯國威今日故交爲位哭殘縑賸素有餘輝

戶部主事趙君 文哲 哀詩

連天烽火暗邊塵幕府論功重此人纔脫白衣陪上相便同野鬼哭蒼旻黃金臂釧淡閨寢 先以金釧寄其夫人 明月刀鑲故國春并作從軍詩句好篋中字字化成燐

銅梁知縣周君 昱 哀詩 先溫將軍之敗病歿軍營

筠廊 子寓齋名 風雨記蕭辰載作青櫺 孔菴谷寓齋 語別人萬里狼煙支病

骨四山鳥道泣勞臣簿書應悔生甯事刀劍能逃劫外身何日渡江月旆會隻雞斗酒致酸辛

席侍讀 世綿 家進士 時憲 頻聞奄効詩以悼之

遠地頻聞訃真成搖落傷故人似秋艸無地不逢霜蝨卜知誰健驢鳴爲汝長百季生趣短獨立看斜陽

周鍾阜 士英 司務同季挽詩二首

皇天彫玉樹憂劇必傷生匪止斯人感難爲萬古情卑官矜晚節多病謝時名記得同風雨書堂鬻藥聲

不信龍蛇厄堂堂歲月徂青氈餘涕淚白髮爲妻孥薄命真成瘠奇文獨不枯銘旌非進士此恨九幽無

送葑亭乞假南歸二首

同季四十人與子極相親官職寧寥落文章獨苦辛閒來一尊

酒門必此車輪又恨恩恩別孤懷孰與陳
至道雜蟲壤微生尚可憐鳳凰猶怕嚇驥不爭先智者毋涅
白高人善葆元全家江上住羨煞五湖煙

中秋夜讌二首

桂殿姮娥迴今宵最令辰司香小兒子拜月太夫人粉院明於
玉秋花豔似春如何不沈醉蔬果及時新
萬里關山月渾茫積思紛近傳左妹信遠隔謝兄羣童穉當筵
侍歡娛閱境分只今俱老大不醉已餘醺

會蟹絕句四首

節物剛題九日餽差如意事縛雙螯文章介冑終何補合鄉秋
窗伴老饕

昔賢著述託沈冥絕口雌黃守似餅載酒況能逢郭索不消辛

苦太元經

秋江明月絕堪憐兩兩三三斲欲連優有監州無不可一生萬
事信由天

茶眼琴聲並肖之此君無象不清奇老夫手筆非臺閣新酒黃
花撰制詞

黏窗

一紙風霜隔堪同塞向時白雲函洞府明月鑑琉璃蟻凍藏花
架蠶寒隱硯池物情想庇護天道眷如斯

奉派爲烏魯木齊諸城

賜名書額恭紀

東門曰承曦西門曰室稽南門曰軌

同北門曰樞正舊城

賜名曰愷安城東門曰麗旭西門曰同風南門曰覃惠

神武驅全虜高城瞰大荒特顯 天上字永鎮極西方春雨開

阡陌秋風壓虎狼

小臣

慙韋誕須髮未教蒼

韋仲將書凌雲臺榜就須髮全白

霜後赤苞子紅鮮可玩感歎作詩

月令曰王瓜爾雅曰蒨姑俗曰赤苞子其名頗與殊四月根出土五月蔓有須六月暨七月黃花銜青柎花開分雌雄雄者帶易枯雌者能結實纍纍牆頭鋪九月天隕霜熟如紅珊瑚收采作圃藥容悅潘衛需老夫感蚤衰瘵皺生皮膚卻憶總角時饋祝桃花塗顏色日以改歲序日以徂功名少樹立田園多荒蕪魯陽不可揮羲和不待驅已矣復何道涕淚沾衣襦

趨陪

趨陪青瑣奉 宸章隅坐偏升政事堂比似三遷無此速攝非五日越教忙傳餐已勝防風鬻滄茗休誇厚朴湯秋老慮囚封事密花甄影過到斜陽

官制內閣學士兼禮部侍郎者四人掌朱筆票本有兼直南書房者閣臣令中書代票送堂餐以酬其勞

飲王秋樵同季寓齋

寒暑相催歲一更霜風獵獵到南榮同季住在烏衣巷此酒空於黃葉聲入世每憐如縮蝟攪人何苦若飛蝨與君半日懵騰醉便合庵題心太平

馮玉圃舍人親家徵其太翁六十壽讌詩二首

令子論交蚤季纔十五時功名呼利市筆硯共娛戲中歲婚姻約相看兒女安朱陳圖嫁娶合畫鳳皇池

為述趨庭訓巖巖仰義方家風同萬石身 告顯為郎大小馮

君雋並謂令兄水部春秋絳縣長膝肯齊進酒此樂樂無央

季來

季來書局彊隨身劉向揚雄遜苦辛世擬名山為捷徑我拌福地作閒人一楹半柱千秋業破壁頽垣萬古春 天上月鉛勤乙覽諸公何以答 楓宸

議卹軍營外難諸臣趙樸庵贈光祿寺少卿程香岩贈
道諭祭葬各蔭一子入監感愴不勝再唁此詩
故人詩畫稱雙絕身後榮名爾豈聞帶血頭顱無半個兩家妻
子拜空墳朝廷不枉孤忠蔭天地終消積寇氛輸與健兒歸
奏凱香醪寶釧賀從軍

偶成口號三首

邨塾冬烘五子歌春蛇秋蚓漫相訶今季得奉

君王詔庶下傭書價直多

鑪香一縷午晴舒祕本親讎半魯魚那有人閒寫韻手神仙下

嫁只鈔書

袞袞頭銜車騎新比將吏掾最榮身平原筆法高千古字裏曾
多干祿人

直廬稍暇校書以消長夜

寒巖枯木道心餘清禁閒宵付索居巢頂繁霜驚鶴雀硯頭

微火活蟲魚猶看猛士橫金戟時官軍重復美諾敢詫雄文重石渠出處

平生渾不似梅花風雪好騎驢

仙宮

仙宮官府勤奔走築室昆侖久未歸曾是消搖騎鶴瘦也多齋
醢參龍肥黃金鞭重分恩怨白玉龕淡說是非我怕昇天二千

歲任呼隱遁淡忘機白石先生二千歲不願昇天人呼隱遁仙人

除夕

昨朝侍疾三旬久蟣蝨多生衣帶隈今日白頭能健在全家咲
口合常開酒梁臘盡真無沫菜把春初已起臺未作五湖篔簹笠
長煙波容我寢先回交春菜心重抽幹作花者吳中謂之臺心菜此如牡丹之有樓蓮花之有重臺同義也

題褚筠心學士西域詩後二首

雪積天山天馬屯不容水艸貨游覓
紫光閣下功臣傳纂紀
應勞褚少孫

體變九侗外國詞玉堂半臂寫烏絲獲嘉聞喜開新縣天下同
文是此時

宣德鑪

燒鑪不燒香此人爲鑪奴近尙宣德器洗刷多工夫薪炭十二
時溫火能均輸燦燦好顏色光剛閱美姝最畏煙氣觸毒於蠶
螫俱戚友耽雅玩拱立遠坐隅手指嫌汗漬犯者爲驚呼有不
解事客咲鑪何爲乎奇南或黃沈投之煙燄枯此人直大詬燒
香損吾鑪如著霧蒙翳滌澤慘不腴瓜皮及蟹殼墜壁千金無
嗟哉荆山銅倕鑄分精麤愛鑪而廢香藏櫝乃棄珠物昧所以

然子曰瓠不瓠不耕疆號農不讀疆號儒虛名漫久竊述詩示
頑愚

觀音庵聽雨二首

以下補錄舊詩四十首

跳珠急雨響軒廊艸色浮於乍種秧清水一渠休放去畱他宵
半照蟾光

陰晴不定極無聊作

去聲

就秋光莫復朝花落石壇人欲別笛聲

帶雨到僧寮

景山官學卽事五首

戊子

禁近天高尺五論書堂苜蓿亦承恩朝來畫諾無餘事山色青

過 神武門

日照琉璃鳩鵲明太平絃誦對諸生敢誇庭艸皆書帶長養生
機見性情

閒雲野鶴十年蹤
路入春明殿閣重
才短不嫌勤供職
出城正打景陽鐘

寒閨望遠劇淒其
刀尺熏鑪繫所思
咲百里奚求富貴
尙方

能給五羊皮

冬衣給內用段細羊皮七十張

萬斛龍驤轉漕多
香分范甑樂如何
帖中乞米真寒儉
戲撰頭綱得寶歌

風神廟二首

雷雨風雲各一壇
朱門鹵簿重祠官
太平不盡飛廉勢
少女嬰兒拂面看

夜來燈火一帷青
斜對呆愚古殿扁
歎息十年頻賃廡
今朝真聽雨淋鈴

太平鼓竹枝六首

一幅玲瓏雪繭裁
范金屈曲作胚胎
聲音之道因風俗
雷鼓靈鼗莫並猜

靄靄晴光溢九衢
攤門粉荔與神茶
誰將竹馬嬰季弄
寫入仙京瓦務圖

辟寒風鎮一鑪香
繡幙流蘇五色長
打到元宵燈市盛
蛇皮絃子聽隋唐

每疊雙聲應手僂
花枝招颭背人憐
郎情似紙層層薄
妾意如環个个連

鬧來巷北與街東
月面風情團扇同
著手偶嫌腰柄冷
馘黃帕子裏當中

吉祥好語自天申
福祉絲絲奉紫宸
鬻鼓錫簫同淡蕩
風光

真是太平民

元夕後病起五首

火樹星橋作病辰，斬新風景又陳陳。坐見空庭啁荒雀，吾生孤負有涯人。

每讀神農本草書，月砂鍾乳術何如。竭來好事陶宏景，儼欲仙人問起居。

本艸藥三百六十五種分三品而陶氏別錄增至七百二十種雜言長生之術矣

鄰右招尋同館生，春醪偶撫亦怡情。殘燈數燄人初醉，臂似梅花曲處橫。

花曲處橫

無多病骨存衣帶，有幾鄉心習劔鋌。消息南來慈母信，那從子舍候晨光。

舍候晨光

去冬不復見三白，獻歲奇溫欲滅縣。蚤尋蝗子數千斛，守過蠶

家第一暝

蠶過初暝則蝗不生見坡詩

古意

屏山曲隱畫眉廊，豆蔻花開月正涼。廟祀青溪疑小妹，鞦韆金

縷嶼南唐偶題難字裁，方勝獨裊雲和坐。側廂笙簟狸奴呼不

起春風，何事感羅裳。

薛徵君一瓢祭虎邱，文清公祠堂沈尙書。歸愚先生同

往觀禮時山後玉蘭盛，開徵君命孫鱗繪圖尙書有詩

紀事子亦題卷尾三首

姑蘇麋鹿占花叢，朱勔兒孫小術中。猶有肯朝瓊樹在，燒殘劫

火對春風

勔敗子孫屏居郊外種花今之花術云

虎邱人散酒船遲，得見仙壇第一枝。山上神鴉三五點，花梢二

老立多時

后土唐昌無樹看，飛瓊特地露清寒。歲蕤直上浮圖頂，億萬仙

人玉葉冠

韓信釣臺五首

市墟顛倒昔人傳，水鳥相呼折葦邊。
殺一功臣何足論，釣臺輸與中興季。

不作披裘五月人，高臺終古做斜曛。
一竿在手原多事，釣破乾坤上砥雲。

路入長淮思渺然，編蘆作屋隱炊煙。
王孫不慣滄江臥，上竹鮎魚絕可憐。

百季魚服易藏形，木杪空江曉霧青。
一餌英雄忘不得，水天龍氣尙微腥。

未拌艸澤付沈淪，滿眼風濤劇苦辛。
太息枯魚真入肆，溼高難釣釣韓信。
讀如申

題露筋祠

新城埭下蕩花香，豹腳斜飛一尺長。
古廟神妃千載恨，螺亭女子亦淒涼。

鷺脰湖詞二首

載得雞聲曉過湖，橋當斷岸月輪孤。
銀魚半寸新淩葉，似此煙波世所無。

好風長養盛南薰，白鷺青天自一羣。
昨夜江聲連八尺，海門平與越山分。

永安湖詞二首

往代詞人載酒過

顧仲瑛孫一元諸人

珠簾盡舫事如何，而今海岸枯查少。

水鳥衝煙破翠螺

不逢良吏與疏穿，葑塞菱荒劇可憐。
畱得民間一湖水，好教山下種湖田。

下種湖田

鵲華山

一桁清光蓮子湖單椒秀澤不嫌孤王孫去後風流盡誰寫齊

州秋色圖

趙文敏有鵲華秋色圖

大明湖北極閣上二塑鬼

盡日靈風元武旗獐獐殿腳護神龜髑髏筋見如新沐此技應推楊惠之

龍山驛題寒山大師畫像東坡陽關詞濟南春好雪初晴行到龍山馬足輕卽此地也二首

三閒破屋龍山驛誰寫寒山入畫圖長頸結喉雙輔骨勞人消瘦亦如吾約去濟南五十里龍山馬足故遲遲誰將三疊陽關曲唱與西來拾得知

蚤發駱駝灣輿中寢與家兄同應童子試會蕙苾甚甘美先祖母迎問今日行文稱意不此童穉光景今何可得感歎久之

寢似寒林落葉多弟兄拙宦感蹉跎重提廿五季崙事初應州閭童子科

邠州

驛樓長出榭林端泉水聲中黃葉乾天地不平原似此下陂又見上陂難

竹葉庵文集卷七

詩七

吳縣 張埴 商言

鳳皇池上集三

甲午正月迄七月

新季直廬二首

天子親祈穀寅初駕六龍仗回無奏事花下聽疎鐘
婉孌看新月清閒伴直廬眉中紫薇樹栖得一蟾蜍

喜雪

此詩正月十日作二十四日阿將軍桂奏報谷鳴了口雪夜之捷即此日也優擒元濟之言為先識矣歡忭之極謹錄記之

方士親祈禱神光太乙壇天心果仁愛農事不傷殘龍蟄春江
靜花開粉署寒優擒元濟好一作洗兵看

元夜不及出游寄程魚門吏部尚輩

踏鐙猜謎嬾尋羣一棹春醪易得醺身忝我如木居士風光兒
關芋郎君當頭今古團圓月入癡溪山匝匝雲只合青藜照公

處讀來周易肯平分

魚門見和元夜詩愛其江上梅花遠憶君之句和其正

月二十日韻酬之

新正十九號揆春春色今朝破幾分說餅天宮名士洒落鎗風
卷美人雲沈淪判斷魚蝦侶老嬾思量筆硯焚只有梅花忘不
得嶺頭消息可常聞

魚門疊嶂韻見貽有曰新詩頗具梅風格小白江邨合

遣聞疊韻再酬之二首

春寒料峭未殘春春色相鄰一巷分名姓不埋東郭雪文章合
逐孟郊雲人肯璞玉終能守物外蘭椒肯被焚莫爲江邨作惆
悵心清隨地妙香聞

無地尋春尙媿春曲闌扶醉到宵分好詩若吐三更月良友如

攀五嶽雲與子冰蠅同耐冷任他火獸不知焚後來元白蟬聯
見莫在鍾譚集裏聞

訪森上人

楚客工哀怨才先屈宋稱湘江流日夜風雨禿孤僧春艸庵門
綠新詩七字能偶來京輦住毋負讀書鐙

大姪書來述瓷青館藏書蝨食其半旣急命料檢復題

此詩擲筆浩歎而已

老宅藏書處名園東北連

王額駙園也

閒房春艸地細雨百蟲天羽化

爭今古灰飛到聖賢罪反因局鏽恨頗極纏綿總角承遺訓鐙

窗記昔年背膽闕葉紙私積釘

去聲

工錢門有雞林估家多鴻寶

傳明明排錦軸一一護瑤編錯後眞成鐵貧來但守瓊轆倉金

石祕荀部鬼神舉顛倒搬薑苦飄零種粟緣述詩爲永歎已壞

我良田

奉頌畫禪集腋長卷

乾坤一畫海智者能惺惺三品鑑流派六法依常經以我入於
畫乃還萬物形以我離於畫乃通萬物靈卷羅十二幀眾史分
畦町凡十至人一下筆巨鐘壓寸莖紙素不多闊玉版開晶熒上
豎峯萃萃下逼水泠泠老樹得雲活石戶當秋局東軒數弓地
點墨游滄溟平生慕禪悅花雨託宵冥只看此卷內山色佛頭
青

招同程魚門銓部翁覃溪學士宋小巖太守徐西灣編
修孔荏谷農部錢獻之上舍集昇元墨妙軒賦明宣宗
仿宋徽宗鸚鵡林檎橫幅

今朝置酒春風天畫叉看畫蕭齋角眾客嗜酒尤嗜畫畫閱春

風四百季宣宗時屯太平日祕殿鑪香娛彩筆塞夏何由諫疏
稀中原麟鳳多良彌燕中佳果蜀中禽粉墨襍穉用苦心黃門
花下催符寶璽印猩紅直萬金聖人寶繪六經同長樂甘泉圖
像中日講不容陳大學御屏何必張去幽風林檎赤柰非一族
此果不爲連理木鸚鵡肯頭不敢言別有孫妃定情曲幀閒署
字仿宣和壓倒南唐畫院多未與九重圖職貢願先百姓貌嘉
禾幽香誰製猗蘭詞歎息郈王監國時再傳優是徽欽樣莫道
南宮復位遲徐陵曰甘泉之地舊禮義軒長樂之宮本圖堯舜

寒食日攜酒觀音庵同顧上舍森上人閒語

一百五日到野桃纔作花燔閒新酒因火裏舊龍蛇浩浩芳菲
在瀾瀾塵土遮攜尊僧舍坐消得夕陽斜

好鳥

萬物各喉舌閒關好鳥長聰明小兒女嫺雅古笙簧故國櫻桃
宴幽居薜荔牆不嫌喧午徑隣木借千章

覃溪見示粵東金石略坵記蘇佛兒一條不覺失咲戲

呈絕句二首

坵記一條今錄於此 方綱乾隆三十五季蒞瓊南試竣謁蘇文忠公祠有青衿迎者稱文忠後人持家譜一帙云公在儋耳

娶符三婆生一子名佛兒畱海南今其後也然無由直斷其偽今季秋學官來眉曰此人所恃譜內一語與王氏季譜合曰蘇公渡海歸至廉州於合浦清樂軒有寄蘇佛兒語耳方綱因檢王氏季譜非寄字乃記字檢公集此文是八十老人蘇佛兒來與公論契而公記其語豈公之兒哉以其人奉祀已久寬不加罪而號其衣頂子奉香火之役

八十老人綳作孩林逋梅萼不空胎符三婆子爲何物定合兒
呼符秀才

六如亭下有孤墳乳脹人只憶君容得蘇家遺盾在佛兒寒
會拜朝雲

同獻之龍泉寺看花

樹樹芳菲谷口霞路穿野芻到僧家可憐牆外多新鬼幾個生
肯看好花捲幔青山如集翠當頭白日又昏鴉達人處處須行
樂莫道無涯是有涯

初六夜對月

新月分明三五姝唐宮興埽閣着圖若教靈兔朝朝滿難保仙
娥夜夜孤對酒心情吹似浪養花天气嫩於酥歡場一別如陵
谷手把紅鐙總不符

同獻之法源寺看花

滿眼芳華閱寺樓寺門何日不鳴騶百季父子花紅淚

寺爲徽欽二宗北行

泣別一段滄桑烏白頭舍利龕邊午磬響多羅幢下夕陽愁風

幡好作隨藍護修竹甘蔗恩怨休

書亾友盛筠史

曉心拗蓮詞後

凌雲賦筆浣花箋絕代淒清蜀國絃三十六鱗飛不到誰緘紅
淚達重泉

題王彥泓馮班詩後

元相千秋作俑人十季曉寺寢游春江東風雅如龍虎格調於
今不可親

校書稍倦述懷十韻

中季奇氣漫峻嶒山積殘書校未能心血耗多如撞鹿目光枯
少若飛蠅逢時嬾逐朝華茂見道難言夜氣凝一枕羲皇身外
寢滿庭風月歲寒朋看花不愛臨綦劫對酒何妨會因僧游北
溟魚天地樂出東門犬古今懲甘爲浮瓠沈香咲贏得黃金白
髮增墮地茫茫全苦境登樓岌岌最高層半帆風送仍沿岸小
炷油添不燼鐙如此生涯非落拓是非恩怨我何曾

門生餉武夷茶二首

武夷四曲御茶園贗產紛紛總不論多謝高懷問奇字相將鈍
舌出清言六千里外春風使十二時中澹水痕折腳鑪頭候湯
設蔡襄絹錄爲君緇

吾鄉多嗜武夷茶捆載牛腰信未佳雲竹窩窠什伯種雨晴態
度兩三芽時招佳客添香獸徐引清風卻睡蛇眼下綠肥紅瘦
景虎邱小樹已槎枒

虎邱亦產茶枝高不過三四尺

門生黃秀才寓舍送春藤花下醉歌

花與春兮相期春欲去兮花惡別離花攬春袂不能說愁暈一
一添高枝春護花兮有遺愛白日不烈和風自吹今日與花作
交代願花壽命金石葆無虧春之去兮高高上天下下入地不
可羈明季春會花兮仍此處毋因人事錯迕相參差我偕黃秀

才餞春酒一卮花亦在坐隅聽我陳一辭皇天四時若轉磨各行其令公無私春旣不能留攀轅臥轍夫何爲花亦不許謝三朝五日休離披爾不見漢帝蟠桃結核遲麻姑胡蝶翻飛隨那學兒女分襟出苦語迭教霜雪滿頭欺

勺藥詩十一首

豐臺在城西土人種勺藥三百六十日袞讐勤力作日日在花中頗無種花樂父母與妻子性命花中託四月得收成擔之入城郭買花嫌花小不足供簾幕花小豈不知家貧田糞薄寄謝朱門客恩恩一酺釀花小亦同開花大亦同落那有古蟠桃筵肴常灼灼

北地富勺藥如南牡丹彊每到花開時輒作一月狂東家借膽餅西家借胡牀羅列百瓷器質麤而用章金玉在匹夫叱之爲不祥愚哉慕哥定一跌難豫防歌舞失銅雀風雨埋香姜此亦瓦片耳千古事茫茫

一花具一態一餅作一勢橫斜若雨風植立儼晴霽以人傳會花鄉背閱次第吁嗟此狡獪僞託非眞契斫根辭故土其勢必蚤斃花亦不得已但爲頃刻麗明妃悲遠嫁烏孫痛幽繫大半戕天季玉容孤芻閉

花時過豐臺花無一朵在阡陌紛縱橫大小特蓓蕾始知賣花人隔夜先我采九州會貨多定產不可改奈絲本陵陸瑣璣出江海數百千萬里都會翹足待天地生此物土人免凍餒是誰用此物天地不能宰思之心慨慷積理已每每

昔賢盛詠歌勺藥推揚州比來稍寂寞頗似瓊樹不豐臺最後出佳種開重樓紅紫已可悅白者良無儔文章歸太素一洗燕

支浮臺下好女兒粉面常娥羞風露立花田衣帶橫筵篔簹夜夜
看三星誰爲匏瓜求對花重歎息花謝人白頭百季無可贈溱
洧自東流

多謝侍監丞

朝

賞花約今夕催花無文書其餅卻挂壁餅假髹

黍爲象形若半擘肖諸官窠歎霽紅霽青格或仿古銅鑄雷回
雲紵迹注水斷滲漏遇日鮮迸塋此製近廿季輕巧爲僂策環
堵數十餅芳菲上牆隙君家在揚州萬花會中客方朔小祿位
淳于舊履烏明鐙擁殊豔佳品出殺核嬾眉卷波令健有漉酒
憤不飲被花咲蚤醉爲花惜偶逢金帶圍好事入采摭毋學女
郎詩刻意求婉孌

皇天生一花結構殊苦辛自跌到須瓣累積窮微塵譬之人百
骸闕一非完人一朝顏色萎墮落吹續紛生之必一季敗之無
半旬我故特愛惜以答造化勤換花試改插又是一花身
傳說玉盤杆聞名頗震耳今晨齋中花儵然斷紅紫一花徑五
寸在佛豪光裏風度非尋常白恰好名士或似武元后所選諸
女子浩態與狂香乃是酒邊妓如何辱此花陽秋不見美品題
到人閒誰爲修花史

讀書弔古人我不能問字箸書贈後人彼不能執贄徬徨兩處
心寂寞一生志不如來飲酒看花百回醉一花纔爛漫俗眼僂
驚異那知後花榮初花積顛顛人人作佳傳竹書不勝記人人
要易名桺下不勝諡花亦猶人耳久開不如墜

萬花屬萬人此花定誰得躡躡入清供卻似本相識聖賢感傾
蓋緇衣悅道德僂柔逮近俗青衿化姦慝記與總角友書堂共
文墨心無不可剖口無不可述浩浩天地寬明明鬼神直不知

世閒事何物受偏仄結交日益廣公然踐荆棘同車纔陪乘
酒僂作賊會參慈母疑陳平婦翁惑皆出自此輩唧唧復唧唧
敬容生延賓西華外失職風人易哀怨思念常惻惻此花淡無
言芳馨到日陌惡客不入羣佳卉不離室庶以樂百季高士訂
膠漆

勺藥號殷春春去亦已久炎曦司天南暑極逼申酉嬌姿易成
肺倏忽變老醜彭殤委時運盛衰本何有水牛曬欲坼土龍鞭
不吼米麥市增價漸貴到蔥韭可憐望雨心且罷賞花酒

勺藥絕句

豐臺獨欠黃樓子醉粉嬌紅次第開閱盡風光人易老此花將
謝鱸魚來

題謝林邨畫幀二首

淞洲處士負高名海嶽雲霄畫裏成近日吳中耆舊盡
不迭太息謝宣城

謂文憲一
瓢諸公

江南櫻筍最新鮮初夏幽居劇可憐讀畫小樓殘醉裏不知靈
運已生天

鷹羽扇三首

傍絀依韝未了終百季爪距爲誰雄破翎碎羽尋常事不值人
閒一紙風

炎歊長耐北風圖一一修齋闕竹梧凶鷲到頭成底用閒看穀
穀哺鴉雛

拍拍飛鳧不掩羣揮來涼雨一溪雲山人閱歷從頭數生歟無
門善惡分

午日 御園直廬

浴蘭采艾接康衢送喜頻來職貢圖仁壽鑄成天下鏡太平握
得

聖人符風飄水殿聞仙樂香透紗衣近 御鑪尙有偏陲勤
廟算諸公專闢好肯驅

陳厚堂舍人同季見次肯韻疊韻酬之

細雨輕陰壓市衢攤門午日午時圖 尙方卻病天師艾百姓
長生王母符喜與同季吟粉署偶稀封事共茶鑪射團裏糗家
鄉景太息多因在故驅

將軍墳

今謂將軍墳頭

樊居金閭門門外將軍墳在代眇荒遠竹書鮮紀聞有盜發其
芻脛骨如車輪乃知防風氏所載非無因俛視三代後一一焦
僥民我將倚長劍與爾賦大人

內閣夜直感懷劉文正公

內閣雙槐樹中爲政事堂舍人橐筆地隣屋界西牆暑夕無一
營霄漢高晶芒上見蟾蜍白下見琉璃黃中宵羣動靜盛衰感
衷腸眼肖卿與相遺蛻委北邙巍巍劉太傅柱石尊忠良豁達
釋私憾嚴明持大綱去季亦五月 翠蹕幸山莊畱公作居守
筦鑰司天閭袞衣勤入宿廳舍排胡牀與我直廬近望見鐙燭
光相招作夜語撫髀音慨慷論及先莊僖勳業高煌煌一劾懾
姦相嚴再劾俘藩王興公顧三太息祖德爾勿忘敦厲出氣節
耻惟祿位將今日三台坼旌旆飛飄揚歸葬東海東穹碑百尺
長公言美廢易美諡殊難當公今得文正冊券在太常公固長
已矣列宿驂帝旁獨悲後外客踽踽復涼涼

眉中偶題

量推科分爲肖輩頗徇時名是此公白髮半頭花下坐紫薇郎
是紫薇翁
紫薇花對紫薇郎紫薇花對紫薇翁並白居易詩

牆中牆外多佳樹

牆中牆外多佳樹有雨有風便覺涼帶溼流螢明夜火未秋團
扇感書堂南山隱隱雷聲展北斗沈沈漏點長好寢不離吳苑
路芟荷水閣正相望

舊絲絛

弱線周千絡輕絲損半綏人情多斷續天道只回環衣帶鐙肖
語要支別後顏何能成億丈圍裊九疑山

徐鄰哉

良

太守肖輩挽詩二首

扶病還華亭將及家百里而殂

夔府風雲浪拍天掉頭五載未歸田相逢異地看花酒只使平
生賣字錢要腳病多眉拜跪子孫貧極共迤邐家鄉隔宿終難

到鶴唳華亭故惘然

借得禪房花木叢蕭然世界大槐宮三季下考爲廉吏八口隨
身累寓公臨得黃庭朝飯後梳來白髮晚晴中如何竟作千秋
別處七星災屬此翁

竹林覓句

眾卉不久豔不如甄修竹幽人期未來書幌有微綠覓句遶竹
行涼露綴如粟詩思無定體心苗紛曲碌亦似籜龍長可以穿
垣屋詩竹兩蕭騷風來鏗敲祝

秋山幽舍

王氏之伯仲

宸
鳳儀

各寫秋山卷卷中著陂陀小屋大於繭林巒

在軒楯日夕足清晏藜杖看花來布袍采藥轉除是山中人不
知路如篆太上與消搖谷神共游衍何當比鄰住艸堂署門扁

立秋日作

七月一日

一歲平分寒暑忙蕭齋清景絕無雙繩牽花蔓聊遮壁紙礙蠶
游不補窗結客十季羞瑟鼓校書五夜聽鐘撞眼尙具眉眉頭
皺白髮英雄未易降

七夕感懷五十韻

受祚徵牛女淒然獨痛嗟彩雲朝日麗碧海夜天姮空見填河
鵲真驚赴壑蛇歡娛期有限憂思世無涯記得南樓宴同看北
斗斜鑪香生屋角燈燭鬪檐牙盤砌同心膾庭裁吉慶花祝詞
捐富貴感恨託幽遐已遲去聲星辰淡猶聞婢妾譁羅裙風綵繚
寶髻月鬢七夕婦祀雙星爲瓜果之會此紀實事甲第開秦館晨妝習漢家韋門全
盛族謝氏最嬌娃呼堦非青鸛迎郎是白鷗高鋪森棨戟曲宇
偃箏琶九醞芳廚炙雙聲妙伎哇千季空此合一日不能加別

浦多楊柳淡閨損薜華鄉關哀庾信書札慰秦嘉今古侈三策

功名吝六珈分鸞辭妾易賣馬聘君差

龍魚河圖賣馬錢聘婦令惡病離別

竟化山頭

石俄流谷口霞尸居渾脈脈狂走故衙衙自入中書眉頻頽二

制麻蒿扶常直性穀賤易焦芽名姓隨人後文章報國賒秋風

方起也春水未行邪遠嶺空山暮先塋薄土遮篆碑飛蛺蝶野

岸亂蝦蟆步履吳王苑悲寬楚客些滄桑皆寂寞兒女況掄挪

載酒逢佳節窺園過上沙內人匱盞具丙舍子孫誇疊石充樵

嶺臨波倚釣查彫窗窗榻蜃堊壁壁痕蝸土木殊新劫塵霾又

積痂鳴禽稍宛轉種樹頗欂枿

七夕與婦遊上沙園亭婦家之丙舍也

惟爾歸耕約他

時卜築奢橋分光福墀田接虎邱茶五畝三三徑單扉一一筓

稻梁窮地稷孝弟補天媧窈窕思行饜英雄願打耒黃泉先泯

滅素志付嚶啞今夕靈妃會殘夏闕道衰下機雲趁輦灑淚雨

隨車僂擲金梭急難平碧溼窪寰中緣巧悞劫外被愁拏夫婦
如遺屣神仙乃破枷孤生畱葬綽預外免器鬻智訪中山釀愚
尋抱朴砂俗沙字然史記月砂字已石又唐人兩義者多兩叶也我將游大道齊物漆園佳

松楸

松楸鬱鬱故園情濺淚花時暗裏驚羹飯客中常代祭子孫身
後半虛名十季期望官和職三處天涯妹與兄家兄倅固原舍妹以婿免官寓居滕縣夏鎮
下直到門羣犬吠後來列傳況無成徐勉數旬一還宅羣犬驚吠歎曰吾亡後亦是傳中一事

題浴牛圖

世間愛牛貪其利幽人愛牛取其意天地何物不辛苦牛樂從
君無所事既不求黃金爲猗頓媒亦不干貴人作甯戚費江鄉
三月積雨晴桃花李花溪上媚東風吹花墮溪面牛欲逝矣緩
牛轡此水溪亦三五尺此牛履之若平地溪魚溪鴨不知何物

來其大如山壓鱗狻族情仗以勢力爭大者昂然小者避載沈
載浮一二時沒其尻股揚其鼻主人吹笛芳艸坡立盡斜陽山
紫翠歸乎歸乎開汝柵牆闕松亭有位置君不見牛能千里八
百里喘汗乃爲搢紳使論功行賞縱大曠不踏春郊一娛戲尺
有所短寸有長不在區區鬪才智不然豈少任公子縛五十犗
爲一餌

竹葉庵文集卷八

詩八

吳縣 張埴 商言

鳳皇池上集四

甲午八月迄十二月

後九秋詩九首

有序

壬辰之秋與王葑亭

友亮

唱和為九秋詩王和秋花云冷面偏

宐咲芳心不肯紅又秋扇云別來嬌女手冷到美人心予極賞

其句令羅山人

聘

繪圖錄詩其上王旋乞假去聞其奉母為黃

山西湖之游脫然塵垢與蔣心餘

士銓

揖讓邱壑聞此人此志

希風千載今予重為此詩江湖之願流露居多或以為勞者之

歌或咲比蹇人之登天然固日不怠於此矣錄寄魚門要與同

作掀尋太息想亦此情耳

秋水

不是蓬瀛客秋江擬釣迂西風露魚鼈白日隱菰蒲幾見波濤
涸能令天地枯滔滔心不競吾積欲忘吾

秋山

秋山如好女能瘦不能肥磊落長眉黛光明見夕暉縣樵踏鳥
背脫樹出僧扉拳石勝千古慨然人壽非

秋蟲

嚶嚶爾何稟能知天地心一蟲作先導萬物學哀吟漸逼牀頭
近相隣夏鼓沈來朝梳白髮渾是欲盈簪

秋棗

老樹當庭熟欣於臥闌連秋窗酒醒後每墮韻磴然日逐兒童
飽宵爭風露鮮分甘及西舍被遣婦無緣

秋塞

官軍諸道捷殺氣擁貔貅一一良家子人人異姓侯雲開明曉

帳雨急瀉長矛

七月四日大雨中明將軍有達爾圖之捷先是阿將軍奏報雲開日出之時望空喜山梁賊礮悉盡官軍駐列七營上極垂念而明亦奏到

不藉寒衣寄込添少婦愁

秋試

槐花與舉子三歲一恩恩健有礮溪老奇徵江夏童文章關氣
運科目重英雄領裏諸公在當無五色蒙

秋雨

幾陣作霖霰陰晴頃刻兼苔階隨意綠香篆不辭簾溼壓詩魔
重涼應酒債添一身總漂泊蔬蕨故鄉甜

秋笛

落落復算算淒淒九哀哀騎人皆欲歿此笛恐成灰水國高樓
迴明星夜雁來江城人去誰寄一枝梅

秋燈

貴賤今平等非吟長短繁倦畱一兩燄寢在四三夏鐘院諸天
靜砧宵徹骨清南濠訪都穆只憶闔閭城

程晉芳題後九秋詩後

寥然衰秋心如豸螫而伏有客晨啟關贈以詩尺幅覽之未
終篇商氣號白屋旨哉狀物工瘦筆洗凡縉淡弗繫聲音有
象寄空綠山高而水長雨笛奏何曲壁蟀念無衣苦爲寒士
促羅羅夕燈青總總鄰棗熟黃花疇踏徧青塞人獨宿所感
非一端境異詞不複繁余思久踈衷底手恒縮聊因舉大凡
徐且次其目相期埽霜林漱石餌丹菊

答魚門題後九秋詩

拙詩鋪敘盈於九君妙單篇綜括工黃葉埽來吹夜火白頭相

對數飛鴻故人半在長江外

謂蒼生
葑亭

秋氣平分一巷中不必神仙

求服食懵騰醉倚菊花叢

來詩有漱石餌丹菊之句故云

野花

野花未使閒錢買白白紅紅滿院多落瓣承趺方有態小蟲細
蟻已成窠今人不及古人達老輩常爲後輩訶風月乾坤無大
小一椀濁酒且高歌

秋花爛漫戲作三首

千花萬花市上買不如一花親種開老夫徇私尙近理出腹勝
於螟蛉孩瓊樹芝艸有氣運奇妙不許凡人栽子弟力田稍謹
厚何必高官大祿哉

眼肯愛花愛叢雜花品不論其好醜千錢萬錢致一本金谷園
中無不有主人行樂得幾時身外賤於一畦韭愚哉衛公平泉

記一艸一木令世守子孫賢否定何如千載東籬最長久
我不知神仙有蓉城主亦不知塵壒有花縣令小人灌沃稱數
弓斑斑爛爛雜掩映文章本以樸素高天地尤忌絢爛盛一枝
夜燭讀書牀齋如秋水月如鏡

門兒書齋尚秋花題一詩相勗

陶公傳責子蘇公傳譽兒我頗無成見略有姑息時種花亦着
性小人鄙樊遲畝畝習農圃聖人非不爲如何一於此志陋事
卑卑憐爾蚤器母捧袂同衾帷今日積長大稼穡一不知麤能
工小楷餘課諳小詩爾如花蓓蕾孩嫩及扶持詩書力灌溉孝
弟敷根枝祖考毓明德不致蕪不治誰家科第艸歲歲必繁滋

雜言五首

有序

天近秋中花開蜨舞藝香於鑪繙書於几招弄明月延賞古今

封姨狡獪卷地而來亦造物之無情也言之長短自歌自謠而
已

風中花流彩霞本來無氣力禁得甚欹斜欲呼古囚屏風女聯
襪成圍團扇遮

風中蜨衣損摺小膽不銜花空牆有落葉滕王金粉亦飄零芳
艸重生開畫篋

風中書走蟲魚汗青多散亂刻玉亦吹噓天上羣仙開寶笈人
閒俗字咲窮廬

風中香火鑪涼玉眞迷洞府心字失羅囊吹作巫山雲萬里分
明直接九疑長

風中月搖海窟美人來不來殘燈沒復沒桂宮仙子閉瑤臺靜
整裳衣理素髮

古鏡寄內

舊作

手捧秦銅拭古文明光青蓋總紛紛
季來化作關山月分照空
閨寄細君

八月晦日後開晚香玉寒香可菊
是夜爲陸丹叔編修
同季題米帖三首

花短葉高高捧護一盆撩亂肖風蘭
榮華已過恢台運優作秋
花一例看

今日真能號晚香天畱一月伴秋光
明季再到開時節莫共蠅
蚊熱處狂

重陽未到菊開期愛爾猶存冰玉姿
童子熟暝茶竈歇花香燭
炮跋殘碑

重九後一日諸竺莊徐蒼林二明經報罷小集記珠軒

適魚門寄重九詩至同其令弟作者卽事次韻奉答并

懷家兄在固原二首

兄弟吳山會登臨亦十季

吳人九日吳山登高
家兄入秦已十季矣

野淩秋水岸紅柿菊

花田各以貧兼仕何如老共禪
羨君子由近風雨一亭元

故人皆失解入世尙然難天運
逐時運兄寒念弟寒座多名士
在井讓小夫觀且盡一尊酒
凌霜秋竹竿

秋閨三首

水正無波月正明樓臺高下勝蓬瀛
訛言傳得郎消息噩寢驚
來妾太平眼治金龜知有淚口銜石
闕語無情斷腸一望疎林
外壓蒜流蘇畫不成

明珠翡翠劇彫殘取次瑤琴續續彈
老婦始知操井臼美人纔
不畏飢寒衰餘菊枕誰長命拾得蒿
簪又合歡不道九秋天氣

好杜鵑血裏倚闌干
鷺鷥燕燕復何存
圖畫真真已負恩
丁令歸來非故里
蔡經鞭後一招寬
長庚不動依天極
精衛難填怕海門
莫爲淫詩訪鄒魯
神仙符篆也能吞

秋寢

秋寢不能長
落葉便驚醒
乾捲如人行
直闖到軒楯
哀哉百歲中
不值一細莖
稟賦善感觸
衾枕逼澆澆
五夏又細雨
苔階生溼菌

九月廿六日同陳竹厂上舍王懷祖孝廉錢獻之明經
玉皇廟看菊任子田祠部後至孔莊谷農部未來

天地淡秋畫
爲哀酒壚且藝古牆隈
人除長醉無他遣
花不知愁故亂開
白日雁沈將廢寺
西風鷹掠最高臺
繁英簪帽欺歛

鬢舊雨何爲來不來

橫澤三首 舊作

義門書庫未全荒
占住溪山舊艸堂
剉薦窺屏賢母在
特慙嘉客荷傳觴

力田孝弟究良圖
欲買君鄰結屋俱
老輩搢紳凌替半
無將門戶鬪崔盧

錦囊玉軸閱修羅
長爪龐翁一刹那
試拓軒楹供鵲尾
頗能歲月勝雞窠

西施舌二首

枯木寒崖海上臺
一鉤初吐似珠胎
美人去後煙波渺
秋盡梧宮入網來

獷殼鮮新闔處看
沸湯一沃薦盤餐
就中眞液休枯盡
口燥唇

乾亦大難

穀中有汁最鮮美割時不可去也

題馬士英畫二首

即王阮亭尚書所題詩之幀今陸月叔同季藏之

此君作畫題辛未門館清閒消夏空尙是江南無事日未曾廬
鳳督師時

一般不罵楊龍友桃葉江聲罵汝多賸水殘山能幾筆六朝難
畫畫陂陀

偶憶普福寺看牡丹舊詩并懷薛壽魚題惲壽平畫牡

月幀上二首

牡丹古說慈恩寺車蓋駢闐穀雨齊何似吳中普福好佛幢幽
絕慢初歇

舊詩

惲家設色真無匹此法今傳薛壽魚鱗爾最下僚依幕府燕支
多買欲何如

瓜子雞有序

瓜子雞者小兒女以瓜子五粒湊合一頭一喙一尾雙翅似乎
雞也坐瞰其旁感嬰季之無愁思識萬物之無定形偶為詠之
擬好事者和焉

兒童喧趁作

去

雞來瓜子閒窗細啗

讀如渴啗瓜子方言也

開骨節鱗鱗粗

宛轉案頭粥粥小裴回不鳴被殺寧能久無肋安拳略可哈嚙
豆莊門風景在伴將人字積成堆

十一兒出痘鄉瘡家人蚤暝予猶深夜校書

藥汁不濃輕藥帖燈煤欲暗舊燈帷可憐痘好花回候

俗以出痘為出花結

痴為絕似歌闌舞罷時半屯大為兒女累全家多覺寢寬疲老

夫蝟縮依鑪坐猶戀殘書更漏遲

送蔣冬杉郡丞同季之官溫州兼寄邵閩谷太守

佐郡風流孰勝君永嘉山水絕無倫謝靈運合爲僚友陶隱居
猶是部民已較窮官多祿俸何消夜氣識金銀我游雁蕩龍湫
去丞守相煩並主人

次韻冬至後一日榕皋詩來訂消寒之集

黃雞白日迤飛埃消息誰傳江上梅佳節又驚縣土炭殘季剛
近打灰堆好詩偶爾遇不遇舊雨如何來未來火速開筵償九
九天涯窟室倒深栝

榕皋招集靜春軒

衣襟抖擻卽塵埃無雪無詩況少梅文字千春幾益友功名八
陣弔離堆逢場歌版風光換有喜鐙花酒會來知止耐寒能作
達與君不負習池栝

夜賞益梅之作

對君秉燭淨無埃雛小冬陽雛小梅如此花枝能入畫怎教蠟
淚不成堆湖山處士誰陪坐風雪明妃遠嫁來那用疆添三十
樹數將一瓣一飛栝

次吳玉松上舍官舫詩

官舫湖光絕點埃銅坑應載此時梅猙獰猾吏虬須似婉婉仙
娥鴉鬢堆有婦有夫香艸贈不琴不鶴水嬉來可憐七里山塘
路多少蓮花白玉栝

次韻玉松語浮湘之勝

橫流九派接羲埃江上仙人定姓梅修竹嬋娟空翡翠薜蘿山
鬼訪魃堆文章玉筍峯頭在涕淚黃陵廟裏來君最少季非放
逐相逢莫舉馬周栝

玉松疊韻顓予督亢圖中郎女二種院本愛其工雅作

詩報謝

廿季簾棗積生埃相伴牀琴紙帳梅劔客何曾愁不中孝娥別
有淚如堆此言荆軻蔡琰之不憐他額爛頭焦盡寫出天荒地老來能為劔客孝娥也

多謝延陵顛好句雙鬟拍版合浮杯

臘月三日雪

仙人戲局作輕埃素女窺窗誤落梅獨立長吟枯樹賦舊游招
隱亂峯堆詩亭舍人當門裊犢燒柴坐遠店騎驢送酒來如此雪天
良不惡悔教縞帶與銀杯

曉過金鼇玉竦

水殿凝無一點埃霧淞上樹萬株梅天寒 賜宴看冰戲瀛臺冰戲即在

地雪淨行軍畫米堆時官兵已通勒烏圍銀澗可尋槎客去紅衣不著釣師

來江鄉此刻蘆花被新榨糟牀得叩杯

聞榕皋與人執論資俸故寄此詩

紅藥吟情不染埃忽催風信杏為梅乘時馬有涂金鞍逆運船
爭灑瀕堆廿四考須句股算百千人望稱心來只子懵懂無他
事料理萱堂獻歲杯

臘八鬻

佛已升天化埧埃人猶作鬻祖黃梅可憐初利開花市指說塵
凡供稻堆養此髮込火宅共不教臘盡涅槃來老夫打破人間
竈只與曹溪水一杯

庭中老棗樹脫葉之後每當月夜縱橫絕似梅影向葺
此屋舍妹居之妹歸以詩寄懷

欲指蟾鏡辟犀埃老棗當空似老梅姓氏誤連青鎖闥湖山讓
與白雲堆殘季又見冰霜迫異地真思兄妹來擬付華光圖畫

本蒼茫不覺罷銜栢

葑亭刻予西征集見寄五十本並寄金陵雜詩

寸稟何如積寸埃殺青同寄故園梅中季慚愧鴟夷子舊句流傳鷓濫堆君亦六朝殘照裏詩分一卷過江來不知滕薛誰居長身後虛名付酒栢

褚筠心學士尚輩楚中使還

先生水鑑水無埃歸橐蕭然看驛梅文字百家香艸祖江聲九派浪花堆得紆慈母門尚望又入窮官隊裏來書局邇時浩燿海可能頻接李膺栢

褚鶴汀孝廉同季歲暮言愁用廣其意同玉圃作

甌欲生塵甌覆埃未離措大尙酸梅追風僂有王良御逐日原無夸父堆明歲花開滿縣好今季椒欠一盤來盈虛剝復循環

理洩不他時喫土栢

用永陵令宋叔平事

歲暮陝撫畢君秋帆富平令崔君漫亭合州牧王君審淵各分俸見寄

秦蜀紛然驛路埃發書較蚤臘尙梅一家人有稻梁望四處錢飄榆莢堆不是盜泉聊酌取用崔子忠語竟同廉石忽飛來梁塵埽盡門符換酒券新償合舉栢

十七日曉雪稠甚黃秀才適來遂與飲酒及夜未醒

玉龍狡獪散鱗埃六出風情定勝梅篩下黃金減米價拈將彤管詠鹽堆午雞接過晨炊後卮酒衝開曉寢來竟日懵騰天地闊任他東海淺膠栢

送竈

垆有飛灰突有埃不如竈妾喻鹽梅又圖淨酒名香供相送松

毛栢子堆婚汝一生非活計期君七日復歸來京師廿三日送竈除夕接竈故云七日也
劔童驕女多遺種門戶黏涂糟幾栢

爆竹

兒女風狂衣裏埃火星似爆萬家梅那知震耳全聲響卻作沿門亂紙堆一綫關通誇實際百般粉碎掉空來虛齋遙聽真無用醒酒聊勝三兩栢酒後座中放爆竹可以解醒故有此句

歲暮喜無一事次東坡除夜韻自遣

人壽無百歲老少分其半纔爲小兒唬已積老人歎如何不作達風光不肯玩功名鑄鐵錯親友搏沙散既遠孔方分合耽法喜伴梅花一鑪火酌酒夜待旦火熄賸寒灰花開落程案萬物有了時惟人獨瞽亂日日徇衣倉朝朝勤櫛盥看來萬事急真無一事緩乾坤若散錢以人中閒貫盜跖噉囚強顏回倉埃懦

饋歲二首

以此感予心瘖焉口吞炭幸謝避債臺且築忘憂館古井無時波寸艸向陽煖三尸與六鑿不值吾一粲

白鹽紅米今生願廚味蕭然姑聽之多謝門生肯饋歲又教垂外一開睂

山羊野鹿龐然大夏有人長海上魚一咲老饕生事足東坡寒儉只花豬

竹葉青

竹葉青

竹葉青

竹葉青



